

नमो नमो निम्मलदंसणस्स
पूज्य आनंद-क्षमा-ललित-सुशील-सुधर्मसागर गुरुभ्यो नमः

On Line – आगममंजूषा कप्पसूयं

* संकलन एवं प्रस्तुतकर्ता *

मुनि दीपरत्नसागर [M.Com., M.Ed., Ph.D.]

॥ किञ्चित् प्रास्ताविकम् ॥

ये आगम-मंजूषा का संपादन आजसे ७० वर्ष पूर्व अर्थात् वीर संवत् २४६८, विक्रम संवत्-१९९८, ई.स.1942 के दौरान हुआ था, जिनका संपादन पूज्य आगमोद्धारक आचार्यश्री [आनंदसागरसूरिजी](#) म.सा.ने किया था। आज तक उन्ही के प्रस्थापित-मार्ग की रोशनी में सब अपनी-अपनी दिशाएँ ढूँढते आगे बढ़ रहे हैं।

हम ७० साल के बाद आज ई.स.-2012, विक्रम संवत्-२०६८, वीर संवत्-२५३८ में वो ही आगम-मंजूषा को कुछ उपयोगी परिवर्तनों के साथ इंटरनेट के माध्यम से सर्वथा सर्वप्रथम “**OnLine-आगममंजूषा**” नाम से प्रस्तुत कर रहे हैं।


*** मूल आगम-मंजूषा के संपादन की किञ्चित् भिन्नता का स्वीकार ***

- [१] आवश्यक सूत्र-(आगम-४०) में केवल मूल सूत्र नहीं है, मूल सूत्रों के साथ निर्युक्ति भी सामिल की गई है।
[२] जीतकल्प सूत्र-(आगम-३८) में भी केवल मूल सूत्र नहीं है, मूलसूत्रों के साथ भाष्य भी सामिल किया है।
[३] जीतकल्प सूत्र-(आगम-३८) का वैकल्पिक सूत्र जो “पंचकल्प” है, उनके भाष्य को यहाँ सामिल किया गया है।

[४] “ओघनिर्युक्ति”-(आगम-४१) के वैकल्पिक आगम “पिंडनिर्युक्ति” को यहाँ समाविष्ट तो किया है, लेकिन उनका मुद्रण-स्थान बदल गया है।

[५] “कल्प(बारसा)सूत्र” को भी मूल आगममंजूषा में सामिल किया गया है।

-मुनि दीपरत्नसागर

: Address:- Mnui Deepratnasagar, MangalDeep society, Opp.DholeswarMandir, POST:- THANGADH Dist.surendranagar. Mobile:-9825967397 jainmunideepratnasagar@gmail.com	मुनि दीपरत्नसागर  <small>जैनमुनिश्री दीपरत्नसागर</small>
---	--

श्रीकल्पसूत्रं

नमो अरिहंताणं नमो सिद्धाणं नमो आयरियाणं नमो उवज्झायाणं नमो लोए सव्वसाहूणं एसो पंचनमुक्कारो, सव्वपावप्पणासणो ।
मंगलाणं च सव्वेसिं, पढमं हवइ मंगलं ॥ १ ॥ १ । तेणं कालेणं तेणं समएणं समणे भगवं महावीरे पंचहत्थुत्तरे हुत्था, तं०-हत्थु-
त्तराहिं चुए चइत्ता गब्भं वक्कंते, हत्थुत्तराहिं गब्भाओ गब्भं साहरिए, हत्थुत्तराहिं जाए, हत्थुत्तराहिं मुंडे भवित्ता अगाराओ अणगारिअं पव्वइए, हत्थुत्तराहिं अणंते अणुत्तरे निव्वाघाए
निरावरणे कसिणे पडिपुन्ने केवल्लवरणाणदंसणे समुप्पन्ने, साइणा परिनिव्वुए भयवं । २ । तेणं कालेणं० समणे भगवं महावीरे जे से गिम्हाणं चउत्थे मासे अट्टमे पक्खे आसाढसुद्धे तस्स

९९१ कल्पसूत्रं-बारसा -

मुनि दीपरत्नसागर

णं आसाढसुदस्स छट्ठीदिवसेणं महाविजयपुष्कृत्तरपवरपुंडरीयाओ महाविमाणाम्भो वीसंसागरोवमट्टिइयाओ अणंतरं चयं चइत्ता इहेव जंबुदीवे दीवे भारहे वासे दाहिणइढभरहे इमीसे ओसप्पिणीए सुसमसुसमाए समाए विइकंताए सुसमाए समाए विइकंताए सुसमदूसमाए समाए विइकंताए दूसमसुसमाए समाए बहुविइकंताए पंचहत्तरीए वासेहिं अद्धनवमेहि य मासेहिं सेसेहिं इक्कीसाए तित्थयरेहिं इक्खागकुलसमुप्पन्नेहिं कासवगुत्तेहिं दोहि य हरिवंसकुलसमुप्पन्नेहिं गोअमसगुत्तेहिं तेवीसाए तित्थयरेहिं विइकंतेहिं समणे भगवं महावीरे चरम- तित्थयरे पुत्रतित्थयरनिदिट्ठे माहणकुंडगामे नयरे उसभदत्तस्स माहणस्स कोडालसगुत्तस्स भारिआए देवाणंदाए माहणीए जालंधरसगुत्ताए पुत्ररत्तावरत्तकालसमयंसि हत्थुत्तराहिं नक्खत्तेणं जोगमुवागएणं आहारवक्कंतीए भववक्कंतीए सरीरवक्कंतीए कुच्छिसि गब्भत्ताए वक्कंते । ३ । समणे भगवं महावीरे तिन्नाणोवगए आवि हुत्था-चइस्सामित्ति जाणइ, चयमाणे न याणइ, चुएमित्ति जाणइ । ४ । जं रयणिं च णं समणे भगवं महावीरे देवाणंदाए माहणीए जालंधरसगुत्ताए कुच्छिसि गब्भत्ताए वक्कंते तं रयणिं च णं सा देवाणंदा माहणी सय- णिज्जंसि सुत्तजागरा ओहीरमाणी २ इमेआरूवे उराले कल्लाणे सिवे धन्ने मंगल्ले सस्सिरीए चउदस महासुमिणे पासित्ताणं पडिबुद्धा, तं०- ' गय वसह सीह अभिसेअ दाम ससि दिणयरं ज्ञयं कुभं । पउमसर सागर विमाणभवण रयणुच्चय सिहिं च ॥२॥५॥ तए णं सा देवाणंदा माहणी ते सुमिणे पासति ता पडिबुद्धा समाणी हट्टतुट्टचित्तमाणंदिआ पीअमणा परमसोमण- स्सिआ हरिसवसविसप्पमाणहियया धाराहयकलंबुगंपिव समुस्ससिअरोमकूवा सुमिणुग्गहं करेइ ता सयणिज्जाओ अब्भुट्टेइ ता अतुरिअमचवलमसंभंताए रायहंसगईए जेणेव उसभ- दत्ते माहणे तेणेव उवागच्छइ ता उसभदत्तं माहणं जएणं विजएणं वद्धावेइ ता भदासणवरगया आसत्था वीसत्था करयलपरिग्गहियं सिरसावत्तं दसनहं मत्थए अंजलिं कट्टु एवं वयासी-एवं खलु अहं देवाणुप्पिआ ! अज्ज सयणिज्जंसि सुत्तजागरा ओहीरमाणी २ इमेआरूवे उराले जाव सस्सिरीए चउदस महासुमिणे पासित्ताणं पडिबुद्धा, तं०-गय जाव सिहिं च, एएसिं णं देवाणुप्पिया ! उरालाणं जाव चउदसहं महासुमिणाणं के मन्ने कल्लाणे फलवित्तिवित्सेसे भविस्सइ ? । ६ । तए णं उसभदत्ते माहणे देवाणंदाए माहणीए अंतिए एअ- मट्टं सुच्चा निसम्म हट्टतुट्टजावहयहिअए धाराहयकलंबुअंपिव समुस्ससियरोमकूवे सुमिणुग्गहं करेइ ता अप्पणो साभाविएणं मइपुव्वएणं बुद्धिविन्नाणेणं तेसिं सुमिणाणं अत्थुग्गहं करेइ ता देवाणंदं माहणिं एवं वयासी-ओराला णं तुमं देवाणुप्पिए ! सुमिणा दिट्ठा, कल्लाणा सिवा धन्ना मंगल्ला सस्सिरीआ आरोग्गतुट्टिदीहाउकल्लाणमंगल्लकारगा णं तुमे देवाणु- प्पिए ! सुमिणा दिट्ठा, तं०-अत्थलाभो देवाणुप्पिए ! सुखलाभो देवाणुप्पिए ! भोगलाभो देवाणुप्पिए ! पुत्तलाभो देवाणुप्पिए !, एवं खलु तुमं देवाणुप्पिए ! नवण्हं मासाणं बहुपडि- पुत्ताणं अद्धट्टमाणं राइंदिआणं विइकंताणं सुकुमालपाणिपायं अहीणपडिपुत्तपंचिंदियसरीरं लक्खणवंजणगुणोववेयं माणुम्माणपमाणपडिपुत्तसुजायसवंगसुंदरं ससिसोमाकारं कंतं पियदंसणं सुरूवं दारयं पयाहिसि, सेऽविय णं दारए उम्मुक्कवालभावे विन्नायपरिणयमित्ते जुव्वणगमणुपत्ते रिउव्वेअजउव्वेअसामवेअअथव्वणवेअ इतिहासपंचमाणं निग्घंटुल्लट्टाणं संगो- वंगणं सरहस्साणं चउण्हं वेयाणं सारए पारए धारए सडंगवी सट्ठितंतविसारए संखाणे सिक्खाकप्पे वागरणे छंदे निरुत्ते जोइसामयणे अन्नेसु य बहुसु बंभणएसु नएसु सुपरिनिट्टिए आवि भविस्सइ तं उराला णं तुमे देवाणुप्पिए ! सुमिणा दिट्ठा जाव आरुगतुट्टिदीहाउयमंगल्लकल्लाणकारगा णं तुमे देवाणुप्पिए ! सुमिणा दिट्ठा । ७ । तए णं सा देवाणंदा माहणी उसभदत्तस्स माहणस्स अंतिए एयमट्टं सुच्चा निसम्म हट्टतुट्टा जाव हियया करयलपरिग्गहियं सिरसावत्तं दसनहं मत्थए अंजलिं कट्टु उसभदत्तं माहणं एवं वयासी- एवमेयं देवाणुप्पिया ! तहमेयं देवाणुप्पिया ! अवितहमेयं देवाणुप्पिया ! असंदिद्धमेयं देवाणुप्पिया ! इच्छियमेयं देवाणुप्पिया ! पडिच्छियमेयं देवाणुप्पिया ! इच्छियपडिच्छियमेयं देवाणुप्पिया !, सच्चे णं एसमट्टे से जहेयं तुम्भे वयहत्तिकट्टु ते सुमिणे सम्मं पडिच्छइ ता उसभदत्तेणं माहणेणं सद्धिं उरालाइं माणुस्सगाइं भोगभोगाइं भुंजमाणी विहरइ । ८ । तेणं कालेणं० सक्के देविंदे देवराया वज्जपाणी पुरंदरे सयक्कऊ सहस्सक्खे मघवं पागसासणे दाहिणइढलोगाहिवई बत्तीसविमाणसयसहस्साहिवई एरावणवाहणे सुरिंदे अरयंवरवत्थधरे आलइअमालमउडे नवहेमचारुचित्तचंचलकुंडलविलिहिज्जमाणगंडे भासुरबुंदी पलंबवणमाले सोहम्मे कप्पे सोहम्मवडिंसए विमाणे सुहम्माए सभाए सक्कंसि सीहासणंसि, से णं तत्थ बत्तीसाए विमाणवाससयसाहस्सीणं चउरासीए सामाणिअसाहस्सीणं तायत्तीसाए तायत्तीसगाणं चउण्हं लोगपालाणं अट्टण्हं अग्गमहिसीणं सपरिवाराणं तिण्हं परिसाणं सत्तण्हं अणीआणं सत्तण्हं अणीआहिवईणं चउण्हं चउरासीणं आयरक्खदेवसाहस्सीणं अन्नेसिं च बहूणं सोहम्मकप्पवासीणं वेमाणिआणं देवाणं देवीण य आहेवच्चं पोरेवच्चं सामित्तं भट्टित्तं महत्तरगतं आणाईसरसेणावच्चं कारेमाणे पालेमाणे महयाहयनट्टगीयवाइअतंतीतलतालतुडियघणमुइंगपडुपडहवाइयरवेणं दिव्वाइं भोगभोगाइं भुंजमाणे विहरइ, इमं च णं केवलकप्पं जंबुदीवं दीवं विउलेणं ओहिणा आभोएमाणे २ विहरइ । ९ । तत्थ णं समणं भगवं महावीरं जंबुदीवे भारहे वासे दाहिणइढभरहे माहणकुंडगामे नयरे उसभदत्तस्स माहणस्स कोडा- लसगुत्तस्स भारियाए देवाणंदाए माहणीए जालंधरसगुत्ताए कुच्छिसि गब्भत्ताए वक्कंते पासइ ता हट्टतुट्टचित्तमाणंदिए णंदिए पीअमणे परमसोमणस्सिए हरिसवसवि- (२४८)

सम्पमाणहियए धाराहयनीवसुरभिकुसुमचंचुमालइयऊससियरोमकूवे विकसियवरकमलनयणवयणे पलंबियवरकडगतुडियकेऊरमउडकुंडलहारविरायंतवच्छे पालंबपलंबमाणघोलंतभू-
सणधरे ससंभमं तुरिअं चवलं सुरिंदे सीहासणाओ अब्भुट्टेइ ता पायपीढाओ पच्चोरुहइ ता वेरुलियवरिट्टरिट्टंजणनिउणोविअमिसिमिसितमणिरयणमंडिआओ पाउयाओ मुअइ ता ए-
गसाडियं उत्तरासंगं करेइ ता अंजलिमउलिअग्गहत्थे तित्थयराभिमुहे सत्तट्ट पयाइं अणुगच्छइ ता वामं जाणुं अंचेइ ता दाहिणं जाणुं धरणिअले साहरइ तिक्खुत्तो मुद्धाणं धरणि-
यलंसि निवेसेइ ता ईसिं पच्चुण्णमित्ता कडगतुडिअथंभिआओ भुआओ साहरेइ ता करयलपरिग्गहिअं सिरसावत्तं दसणहं मत्थए अंजलिं कट्टु एवं वयासी-नमुत्थु णं अरिहंताणं भग-
वंताणं, आइगराणं तित्थयराणं सयंसंबुद्धाणं, पुरिसुत्तमाणं पुरिससीहाणं पुरिसवरपुंडरीयाणं पुरिसवरगंधहत्थीणं, लोगुत्तमाणं लोगनाहाणं लोगहियाणं लोगपईवाणं लोगपज्जोअगराणं,
अभयदयाणं चक्खुदयाणं मग्गदयाणं सरणदयाणं बोहिदयाणं, धम्मदयाणं धम्मदेसयाणं धम्मनायगाणं धम्मसारहीणं धम्मवरचाउरंतचक्कवट्टीणं, दीवो ताणं सरणं गई पइट्टा, अप्प-
डिहयवरनाणदंसणधराणं विअट्टच्छउमाणं, जिणाणं जावयाणं तिन्नाणं तारयाणं बुद्धाणं बोहयाणं मुत्ताणं मोअगाणं, सब्बणूणं सब्बदरिसीणं सिवमयलमरुअमणंतमक्खयमद्वावाहम-
पुणरावत्तिसिद्धिगइनामधेयं ठाणं संपत्ताणं नमो जिणाणं जियभयाणं (९ संपदः) नमुत्थु णं समणस्स भगवओ महावीरस्स आइगरस्स चरमतित्थयरस्स पुब्वतित्थयरनिदिट्टस्स जाव
संपाविउकामस्स, वंदामि णं भगवंतं तत्थगयं इहगए, पासउ मे भगवं तत्थगए इहगयंतिकट्टु समणं भगवं महावीरं वंदइ नमंसइ ता सीहासणवरंसि पुरत्थाभिमुहे सन्निसन्ने । १० ।
तए णं तस्स सक्कस्स देविंदस्स देवरन्नो अयमेआरूवे अब्भत्थिए चिंतिए पत्थिए मणोगए संकप्पे समुप्पज्जित्था-न एयं भूअं न एयं भव्वं न एयं भविस्सं जं णं अरिहंता वा चक्कवट्टी
वा बलदेवा वा वासुदेवा वा अंतकुलेसु वा पंतकुलेसु वा तुच्छकुलेसु वा दरिदकुलेसु वा किवणकुलेसु वा भिक्खायरकुलेसु वा माहणकुलेसु वा आयाइंसु वा आयाइंति वा आयाइस्संति
वा, एवं खलु अरहंता वा चक्कवट्टी वा बलदेवा वा वासुदेवा वा उग्गकुलेसु वा भोगकुलेसु वा राइण्णकुलेसु वा इक्खागनायकुलेसु वा इक्खागकुलेसु वा खत्तियकुलेसु वा हरिवंसकुलेसु
वा अन्नयरेसु वा तहप्पगारेसु विसुद्धजाइकुलवंसेसु आयाइंसु वा०, अत्थि पुण एसेवि भावे लोगच्छेरयभूए अणंताहिं उस्सप्पिणीओसप्पिणीहिं विइक्कंताहिं (ग्रं० १००) समुप्पज्जइ नाम-
गुत्तस्स कम्मस्स अक्खीणस्स अवेइअस्स अणिज्जिण्णस्स उदएणं जं णं अरहंता वा चक्कवट्टी वा बलदेवा वा वासुदेवा वा अंतकुलेसु पंततुच्छदरिदभिक्खागकिवणमाहणकुलेसु वा आयाइंसु
वा० कुच्छिसि गब्भत्ताए वक्कमिंसु वा वक्कमंति वा वक्कमिस्संति वा, नो चेव णं जोणीजम्मणनिक्खमणेणं निक्खमिंसु वा निक्खमंति वा निक्खमिस्संति वा, अयं च णं समणे भगवं
महावीरे माहणकुंडग्गामे नयरे उसभदत्तस्स माहणस्स कोडालसगुत्तस्स भारियाए देवाणंदाए माहणीए जालंधरसगुत्ताए कुच्छिसि गब्भत्ताए वक्कंते, तं जीअमेअं तीअपच्चुप्पन्नमणा-
गयाणं सक्काणं देविंदाणं देवराइणं अरहंते भगवंते तहप्पगारेहिंतो अंतपंततुच्छदरिदभिक्खागकिवणमाहणकुलेहिंतो तहप्पगारेसु उग्गभोगरायन्ननायखत्तियहरिवंसकुलेसु वा अन्नयरेसु वा
तहप्पगारेसु विसुद्धजाइकुलवंसेसु साहरावित्तए, तं सेयं खलु ममवि समणं भगवं महावीरं चरमतित्थयरं पुब्वतित्थयरनिदिट्टं माहणकुंडग्गामाओ नयराओ उसभदत्तस्स माहणस्स
कोडालसगुत्तस्स भारियाए देवाणंदाए माहणीए जालंधरसगुत्ताए कुच्छीओ खत्तियकुंडग्गामे नयरे नायाणं खत्तियाणं सिद्धत्थस्स खत्तियस्स कासवगुत्तस्स भारियाए तिसलाए
खत्तिआणीए वासिट्टसगुत्ताए कुच्छिसि गब्भत्ताए साहरावित्तए, जेऽविय णं से तिसलाए खत्तियाणीए गब्भे तंपिय णं देवाणंदाए माहणीए जालंधरसगुत्ताए कुच्छिसि गब्भत्ताए
साहरावित्तएत्तिकट्टु एवं संपेहेइ ता हरिणेगमेसिं पायत्ताणीयाहिवइं देवं सहावेइ ता एवं वयासी-एवं खलु भो देवाणुप्पिया ! न एयं भूयं न एयं भव्वं न एयं भविस्सं जं णं अरिहंता
वा चक्कवट्टी वा बलदेवा वा वासुदेवा वा अंतपंतकिवणदरिदतुच्छभिक्खागमाहणकुलेसु वा आयाइंसु वा०, एवं खलु अरिहंता वा चक्क० बल० वासुदेवा वा उग्गभोगराइन्ननायखत्तियइक्खा-
गहरिवंसकुलेसु वा अन्नयरेसु वा तहप्पगारेसु विसुद्धजाइकुलवंसेसु आयाइंसु वा०, अत्थि पुण एसेऽवि भावे लोगच्छेरयभूए अणंताहिं उस्सप्पिणीओसप्पिणीहिं विइक्कंताहिं समुप्पज्जति
नामगुत्तस्स कम्मस्स अक्खीणस्स अवेइअस्स अणिज्जिण्णस्स उदएणं जं णं अरिहंता वा चक्कवट्टी वा बलदेवा वा वासुदेवा वा अंतपंततुच्छकिवणदरिदभिक्खागमाहणकुलेसु वा आयाइंसु
वा०, नो चेव णं जोणीजम्मणनिक्खमणेणं निक्खमिंसु वा०, अयं च णं समणे भगवं महावीरे जंबुद्वीवे भारहे वासे माहणकुंडग्गामे नयरे उसभदत्तस्स माहणस्स कोडालसगुत्तस्स
भारियाए देवाणंदाए माहणीए जालंधरसगुत्ताए कुच्छिसि गब्भत्ताए वक्कंते तं जीअमेअं तीअपच्चुप्पण्णमणागयाणं सक्काणं देविंदाणं देवराइणं अरहंते भगवंते तहप्पगारेहिंतो अन्त-
पंततुच्छकिवणदरिदवणीमगमाहणकुलेहिंतो तहप्पगारेसु उग्गभोगराइण्णनायखत्तियइक्खागहरिवंसकुलेसु वा अन्नयरेसु वा तहप्पगारेसु विसुद्धजाइकुलवंसेसु साहरावित्तए तं गच्छ णं
तुमं देवाणुप्पिया ! समणं भगवं महावीरं माहणकुंडग्गामाओ नयराओ उसभदत्तस्स माहणस्स भारियाए देवाणंदाए कुच्छीओ खत्तियकुंडग्गामे नयरे नायाणं खत्तियाणं सिद्धत्थस्स

स्वत्तियस्स कासवगुत्तस्स भारियाए तिसलाए स्वत्तियाणीए वासिट्टसगुत्ताए कुच्छिसि गब्भत्ताए साहराहि, जेऽविअ णं से तिसलाए स्वत्तियाणीए गब्भे तंपिअ णं देवाणंदाए माहणीए जालंधरसगुत्ताए कुच्छिसि गब्भत्ताए साहराहि ता ममेयमाणत्तिअं खिप्पामेव पच्चप्पिणाहि । ११ । तए णं से हरिणेगमेसी अग्गाणीयाहिवई देवे सक्केणं देविंदेणं देवरत्ता एवं वुत्ते समाणे हट्टे जाव हयहियए करयल जाव तिकट्टु एवं जं देवो आणवेइत्ति आणाए विणएणं वयणं पडिसुणेइ ता सक्कस्स देविंदस्स देवरणो अंतियाओ पडिणिक्खमइ ता उत्तर-पुरच्छिमं दिसीभागं अवक्कमइ ता वेउव्विअसमुग्घाएणं समोहणइ ता संखिजाइं जोअणाइं दंडं निसिरइ, तं०-रयणाणं वइराणं वेरुलिआणं लोहिअक्खाणं मसारगल्लाणं हंसगब्भाणं पुलयाणं सोगंधियाणं जोईसराणं अंजणाणं अंजणपुलयाणं, रयणाणं जायरूवाणं, सुभगाणं अंकाणं फलिहाणं रिट्ठाणं १६ अहाबायरे पुग्गले परिसाडेइ ता अहासुहुमे पुग्गले परिआ-दियइ ता, दुच्चंपि वेउव्विअसमुग्घाएणं समोहणइ ता उत्तरवेउव्वियरूवं विउव्वइ ता ताए उक्किट्ठाए तुरियाए चवलाए चंडाए जयणाए उद्धुआए सिद्धाए दिव्वाए देवगईए वीईवयमाणे २ तिरिअमसंखिजाणं दीवसमुद्दाणं मज्झंमज्झेणं जेणेव जंबुदीवे जेणेव भारहे वासे जेणेव माहणकुंडग्गामे नयरे जेणेव उसभदत्तस्स माहणस्स गिहे जेणेव देवाणंदा माहणी तेणेव उवागच्छइ ता आलोए समणस्स भगवओ महावीरस्स पणामं करेइ ता देवाणंदाए माहणीए सपरिजणाए ओसोवणिं दलइ ता असुभे पुग्गले अवहरइ ता सुभे पुग्गले पक्खिवइ ता अणुजाणउ मे भयवंतिकट्टु समणं भगवं महावीरं अद्वाबाहं अद्वाबाहेणं करयलसंपुडेणं गिण्हइ ता जेणेव स्वत्तिअकुंडग्गामे नयरे जेणेव सिद्धत्थस्स स्वत्तिअस्स गिहे जेणेव तिसला स्वत्तियाणी तेणेव उवागच्छइ ता तिसलाए स्वत्तिआणीए सपरिजणाए ओसोवणिं दलइ ता असुभे पुग्गले अवहरइ ता सुभे पुग्गले पक्खिवइ ता समणं भगवं महावीरं अद्वाबाहं अद्वाबाहेणं तिसलाए स्वत्तिआणीए कुच्छिसि गब्भत्ताए साहरइ, जेऽविअ णं से तिसलाए स्वत्तिआणीए गब्भे तंपिअ णं देवाणंदाए माहणीए जालंधरसगुत्ताए कुच्छिसि गब्भत्ताए साहरइ ता जामेव दिसिं पाउब्भूए तामेव दिसिं पडिगए, उक्किट्ठाए तुरियाए चवलाए जयणाए उद्धुआए सिग्घाए दिव्वाए देवगईए तिरिअमसंखिजाणं दीवसमुद्दाणं मज्झंमज्झेणं जोअण-साहस्सिएहिं विग्गहेहिं उप्पयमाणे २ जेणामेव सोहम्मे कप्पे सोहम्मवडिसए विमाणे सक्कंसि सीहासणंसि सक्के देविंदे देवराया तेणामेव उवागच्छइ ता सक्कस्स देविंदस्स देवरत्ता एयमाणत्तियं खिप्पामेव पच्चप्पिणइ । १२ । तेणं कालेणं० समणे भगवं महावीरे तिन्नाणोवगए आवि हुत्था, साहरिज्जिस्सामित्ति जाणइ, साहरिज्जमाणे जाणइ, साहरिएमित्ति जाणइ । १३ । तेणं कालेणं० समणे भगवं महावीरे जे से वासाणं तच्चे मासे पंचमे पक्खे आसोअबहुले तस्स णं आसोअबहुलस्स तेरसीपक्खेणं बासीइराइंदिएहिं विइक्कंतेहिं तेसीइमस्स राइंदियस्स अंतरा वट्टमाणे हिआणुकंपएणं देवेणं हरिणेगमेसिणा सक्कवयणसंदिट्टेणं माहणकुंडग्गामाओ नयराओ उसभदत्तस्स माहणस्स कोडालसगुत्तस्स भारियाए देवाणंदाए माहणीए जालंधरसगुत्ताए कुच्छीओ स्वत्तियकुंडग्गामे नयरे नायाणं स्वत्तिआणं सिद्धत्थस्स स्वत्तिअस्स कासवगुत्तस्स भारियाए तिसलाए स्वत्तिआणीए वासिट्टसगुत्ताए पुव्वरत्तावरत्तकालसमयंसि हत्थुत्तराहिं नक्खत्तेणं जोगमुवागएणं अद्वाबाहं अद्वाबाहेणं कुच्छिसि गब्भत्ताए साहरिए । १४ । जं रयणिं च णं समणे भगवं महावीरे देवाणंदाए माहणीए जालंधरसगुत्ताए कुच्छीओ तिसलाए स्वत्तिआणीए कुच्छिसि गब्भत्ताए साहरिए तं रयणिं च णं सा देवाणंदा माहणी सयणिज्जंसि सुत्तजागरा ओहीरमाणी २ इमेयारूवे उराले कल्लाणे सिवे धन्ने मंगल्ले सस्सिरिए चउइस महासुमिणे तिसलाए स्वत्तियाणीए हट्टेत्ति पासित्ताणं पडिबुद्धा, तं०-गय० गाहा । १५ । जं रयणिं च णं समणे भगवं महावीरे देवाणंदाए माहणीए जालंधरसगुत्ताए कुच्छीओ तिसलाए स्वत्तिआणीए वासिट्टसगुत्ताए कुच्छिसि गब्भत्ताए साहरिए तं रयणिं च णं सा तिसला स्वत्तिआणी तंसि तारिसगंसि वासघरंसि अब्भितरओ सचित्तकम्मे वाहिरओ दूमिअघट्टमट्टे विचित्तउल्लोअतले मणिरयणपणासिअंधयारे बहुसमसुविभत्तभूमिभागे पंचवन्नसरससुरभिमुक्कपुप्फपुंजोवयारकलिए कालागुरुपवरकुंदुरुक्कतुरुक्कडज्झंतधूवमघमघिंतगंधुद्धुयाभिरामे सुगंधवरगंधिए गंधवट्टिभूए तंसि तारिसगंसि सयणिज्जंसि सालिंगणवट्टिए उभओ बिब्बोअणे उभओ उन्नए मज्झेणयगंभीरे गंगापुलिणवालुआउदालसालिसए ओअविअखोमिअदुगुल्लपट्टपडिच्छन्ने सुत्रिइअरयत्ताणे रत्तंसुयसंवुए सुरम्मे आइणगरुयबूरनवणीअतूलतुल्लफासे सुगंधवरकुसुमचुन्नसयणोवयारकलिए पुव्वरत्तावरत्तकालसमयंसि सुत्तजागरा ओहीरमाणी २ इमेयारूवे उराले जाव चउइस महासुमिणे पासित्ताणं पडिबुद्धा, तं०-गय जाव सिहिं च । १६ । तए णं सा तिसला स्वत्तिआणी तप्पढमयाए एकं च णं महं पंडुरं धवलं सेयं संखद(कु)लविमलदहिघणगोखीरफेणरयणिकरपयासं थिरलट्टपउट्टं पीवरसुसिलिट्टविसिट्टित्तिक्खदाढाविडंबियमुहं रत्तुप्पलपत्तमउअणिह्हालियग्गजीहं वट्टपडिपुण्ण-पसत्थणिद्धमहुगुलियपिंगलक्खं पडिपुण्णविउलसुजायखंधं निम्मलवरकेसरधरं सोसियसुणिम्मियसुजायअप्फोडियलंगूलं सोमं सोमागारं लीलायंतं जंभायंतं गगणयलाओ ओवयमाणं सीहं अभिमुहं मुहे पविसमाणं पासित्ताणं पडिबुद्धा १, एकं च णं महं पंडुरं धवलं सेयं संखउलविमलसण्णिगासं वट्टपडिपुण्णकण्णं पसत्थणिद्धमहुगुलियपिंगलक्खं अब्भुग्गय-

मह्रियाधवलदंतं कंचणकोसीपविट्टदंतं आणामियचावरुइलसंविह्रियगसोंडं अह्लीणपमाणजुत्तपुच्छं सेयं चउदंतं हत्थिरयणं सुमिणे पासित्ताणं पडिबुद्धा २, एकं च णं महं पंडुरं धवलं सेयं संखउलविमलसण्णिकासं वट्टपडिपुण्णकंठं वेह्रियककडच्छं विसमुन्नयवसहोदं चलचवलपीणककुहं अह्लीणपमाणजुत्तपुच्छं सेयं धवलं वसहं सुमिणे पासित्ताणं पडिबुद्धा ३, एकं च णं महं सिरियाभिसेयं सुमिणे पासित्ताणं पडिबुद्धा ४, एकं च णं मल्लदामं विविहकुसुमोवसोहियं सुमिणे पासित्ताणं पडिबुद्धा ५, एकं च णं चंदिमसूरियगणं उभओ पासे उगगयं सुमिणे पासित्ताणं पडिबुद्धा ६-७, एकं च णं महं महिंदज्झयं अणेगकुडभीसहस्सपरिमंडियाभिरामं सुमिणे पासित्ताणं पडिबुद्धा ८, एकं च णं महं महिंदकुंभं वरकमलपइ-ट्टाणं सुरहिवरवारिपुण्णं पउमुप्पलपिहाणं आविद्धकंठेगुणं जाव पडिबुद्धा ९, एकं च णं महं पउमसरं बहुउप्पलकुमुयणलिसयपत्तसहस्सपत्तकेसरफुल्लोवचियं सुमिणे पासित्ताणं पडिबुद्धा १०, एकं च णं सागरं वीचीतरलतरंगउम्मीपउरं सुविणे पासित्ताणं पडिबुद्धा ११, एकं च णं महं विमाणं दिव्वं तुडियसइसंपनदियं सुमिणे पासित्ताणं पडिबुद्धा १२, एकं च णं महं रयणुच्चयं सबरयणामयं सुमिणे पासित्ताणं पडिबुद्धा १३, एकं च णं महं जलणसिहिं निद्धूमं सुमिणे पासित्ताणं पडिबुद्धा १४ । १६। तए णं सा तिसला खत्तियाणी इमे एया-रूवे उराले चउइस महासुविणे पासित्ताणं पडिबुद्धा समाणी हट्टुट्टजावहियया धाराहयकयंबपुप्फगंपिव समुस्ससिअरोमकूवा सुविणुग्गहं करेइ ता सयणिज्जाओ अब्भुट्टेइ ता पाय-पीढाओ पच्चोरुहइ ता अतुरिअमचवलमसंभंताए अविलंबियाए रायहंससरिसीए गईए जेणेव सयणिज्जे जेणेव सिद्धत्थे तेणेव उवागच्छइ ता सिद्धत्थं खत्तिअं ताहिं इट्टाहिं कंताहिं पियाहिं मणुन्नाहिं मणोरमाहिं उरालाहिं कल्लाणाहिं सिवाहिं धन्नाहिं मंगल्लाहिं सस्सिरीयाहिं मियमहुरमंजुलाहिं गिराहिं संलवमाणी २ पडिबोहेइ । १७। तए णं सा तिसला खत्तिआ-णी सिद्धत्थेणं रण्णा अब्भणुण्णाया समाणी नाणामणिकणगरयणभत्तिचित्तंसि भद्दासणंसि निसीयइ ता आसत्था वीसत्था सुहासणवरगया सिद्धत्थं खत्तिअं ताहिं इट्टाहिं जाव संलव-माणी २ एवं वयासी-एवं खलु अहं सामी ! अज्ज तंसि तारिसगंसि सयणिज्जंसि वण्णओ जाव पडिबुद्धा तं-गयउसभं गाहा, तं एएसिं सामी ! उरालाणं चउइसणं महासुमिणाणं के मन्ने कल्लाणे फलवित्तिविसेसे भविस्सइ ? । १८। तए णं से सिद्धत्थे राया तिसलाए खत्तिआणीए अंतिए एयमट्टं सुच्चा निसम्म हट्टुट्टचित्ते आणंदिए पीइमणे परमसोमणस्सिए हरिसवसविसप्पमाणहियए धाराहयनीवसुरभिकुसुमचंचुमालइयरोमकूवे ते सुमिणे ओगिण्हेइ ता ईहं अणुपविसइ ता अप्पणो साहाविएणं मइपुव्वएणं बुद्धिविण्णाणेणं तेसिं सुमिणाणं अत्थुग्गहं करेइ ता तिसलं खत्तिआणिं ताहिं जाव मंगल्लाहिं मियमहुरसस्सिरीयाहिं वग्गूहिं संलवमाणे २ एवं वयासी-उराला णं तुमे देवाणुप्पिए ! सुमिणा दिट्टा, एवं सिवा धन्ना मंगल्ला सस्सिरीया आरुग्गतुट्टिदीहाउकल्लाणमंगलकारगा णं तुमे देवाणुप्पिए ! सुमिणा दिट्टा, अत्थलाभो देवाणुप्पिए ! भोगलाभो० पुत्तलाभो० सुक्खलाभो० रज्जलाभो०, एवं खलु तुमे देवाणुप्पिए ! नवणं मासाणं बहुपडिपुण्णाणं अद्धट्टमाणं राइंदियाणं विइकंताणं अम्हं कुलकेउं अम्हं कुलदीवं कुलपव्वयं कुलवडिसयं कुलतिलयं कुलकित्तिकरं कुलदिणयरं कुलाधारं कुलविवद्धणकरं सुकुमालपाणिपायं अहीणसंपुण्णपंचिंदियसरिरं लक्खणवज्जणगुणोववेयं माणुम्माणप्पमाणपडिपुण्णसुजायसव्वंगसुंदरंगं ससिसोमाकारं कंतं पियं सुदंसणं सुदारयं पयाहिसि, सेऽविअ णं दारए उम्मुक्कबालभावे विन्नायपरिणयमित्ते जुव्वणगमणुपत्ते सूरे वीरे विक्कंते विच्छिन्नविउलबलवाहणे रज्जवई राया भविस्सइ, तं उराला णं तुमे जाव दुच्चंपि तच्चंपि अणुवूहइ । १९। तए णं सा तिसला खत्तियाणी सिद्धत्थस्स रण्णो अंतिए एयमट्टं सुच्चा निसम्म हट्टुट्टा जाव हियया करयलपरिग्गहिअं दसनहं सिरसावत्तं मत्थए अंजलिं कट्टु एवं वयासी-एवमेयं सामी ! अवितहमेयं सामी ! असंदिद्धमेयं सामी ! इच्छियमेयं सामी ! पडिच्छियमेयं सामी ! इच्छियपडिच्छियमेयं सामी ! सच्चे णं एस अट्टे से जहेयं तुब्भे वयहत्तिकट्टु ते सुमिणे सम्मं पडिच्छइ ता सिद्धत्थेणं रण्णा अब्भणुण्णाया समाणी नाणामणिरयणभत्तिचित्ताओ भद्दासणाओ अब्भुट्टेइ ता अतुरियमचवलमसंभंताए अवि-लंबियाए रायहंससरिसीए गईए जेणेव सए सयणिज्जे तेणेव उवागच्छइ ता मा मेते उत्तमा पहाणा मंगल्ला सुमिणा अन्नेहिं पावसुमिणेहिं पडिहम्मिस्संतित्तिकट्टु देवयगुरुजणसं-बद्धाहिं पसत्थाहिं मंगल्लाहिं धम्मियाहिं लट्टाहिं कहाहिं सुमिणजागरियं पडिजागरमाणी विहरइ । २०। तए णं सिद्धत्थे खत्तिए पच्चूसकालसमयंसि कोडुंबियपुरिसे सदावेइ ता एवं वयासी-खिप्पामेव भो देवाणुप्पिया ! अज्ज सविसेसं बाहिरियं उवट्टाणसालं गंधोदयसित्तं संमज्जिओवलित्तं सुगंधवरपंचवण्णपुप्फोवयारकलियं कालागुरुपवरकुंदुरुक्कतुरुक्कडज्झंतधूव-मघमघंतगंधुद्धुयाभिरामं सुगंधवरगंधियं गंधवट्टिभूयं करेह कारवेह ता य सीहासणं रयावेह ता ममेयमाणत्तियं पच्चप्पिणह, तए णं ते कोडुंबियपुरिसा सिद्धत्थेणं रण्णा एवं वुत्ता समाणा हट्टा जाव हियया करयल जाव कट्टु एवं सामित्ति आणाए विणएणं वयणं पडिसुणंति ता सिद्धत्थस्स खत्तिअस्स अंतिआओ पडिनिक्खमंति ता जेणेव बाहिरिया उवट्टाण-साला तेणेव उवागच्छंति ता खिप्पामेव सविसेसं बाहिरियं उवट्टाणसालं गंधोदगसित्तं जाव सीहासणं रयाविति ता जेणेव सिद्धत्थे खत्तिए तेणेव उवागच्छंति ता करयलपरिग्गहियं

दसनहं सिरसावत्तं मत्थए अंजलिं कट्टु सिद्धत्थस्स खत्तिअस्स तमाणत्तियं पच्चप्पिणंति । २१ । तए णं सिद्धत्थे खत्तिए कल्लं पाउप्पभायाए रयणीए फुल्लुप्पलकमलकोमलुम्मीलियंमि अहापंदुरे पभाए रत्तासोगप्पगासकिंसुअसुअमुहगुंजद्धरागसरिसे कमलायरसंडबोहए उट्टिअंमि सुरे सहस्सरस्सिमि दिणयरे तेअसा जलंते सयणिज्जाओ अब्भुट्टेइ ता पायपीढाओ पच्चोरुहइ ता जेणेव अट्टणसाला तेणेव उवागच्छइ ता अट्टणसालं अणुपविसइ ता अणेगवायामजोग्गवग्गणवामहणमल्लजुद्धकरणेहिं परिस्संते सयपागसहस्सपागेहिं सुगंधितिल्लगमा-
इएहिं पीणणिज्जेहिं जिंघणिज्जेहिं दीवणिज्जेहिं मयणिज्जेहिं दप्पणिज्जेहिं सविंदियगायपल्हायणिज्जेहिं अब्भंगिए समाणे तिल्लचम्मंसि पडिपुण्णपाणिपायसुकुमालतलेहिं पुरिसेहिं अ-
ब्भंगणपरिमहणुव्वलणकरणगुणनिमाएहिं छंदेहिं दक्खेहिं पट्टेहिं कुसलेहिं मेहावीहिं जिअपरिस्समेहिं अत्थिसुहाए मंससुहाए तयासुहाए रोमसुहाए चउव्विहाए सुहपरिकम्मणाए संवाहणाए संवाहिए समाणे अवगयपरिस्समे अट्टणसालाओ पडिनिक्खमइ ता जेणेव मज्जणघरे तेणेव उवागच्छइ ता मज्जणघरं अणुपविसइ ता समुत्तजालकलावाभिरामे विचित्तम-
णिरयणकुट्टिमतले रमणिज्जे ण्हाणमंडवंसि नाणामणिरयणभत्तिचित्तंसि ण्हाणपीढंसि सुहनिसण्णे पुप्फोदएहि य गंधोदएहि य उसिणोदएहि य सुद्धोदएहि अ कल्लणकरपवरमज्जण-
विहीए मज्जिए, तत्थ कोउअसएहिं बहुविहेहिं कल्लणगपवरमज्जणावसाणे पम्हलसुकुमालगंधकासाइअल्लुहिअंगे अहयसुमहग्घदूसरयणसुसंबुडे सरससुरभिगोसीसचंदणाणुलित्तगत्ते सुइमात्तावण्णगविलेवणे आविद्धमणिसुवण्णे कप्पियहारद्धहारतिसरयपालंबपलंबमाणकडिसुत्तयकयसोभे पिणद्धगेविज्जे अंगुलिज्जगललियकयाभरणे वरकडगतुडिअथंमिअभुए अहि-
अरूवसस्सिरीए कुंडलउज्जोविआणणे मउडदित्तसिए हारोत्थयसुकयरइअवच्छे मुद्दिआपिं गलंगुलीए पालंबपलंबमाणसुकयपडउत्तरिज्जे नाणामणिकणगरयणविमलमहरिहनिउणो-
विअमिसिमिसितविरइअसुसिलिट्टविसिट्टनद्धआविद्धवीरवलए, किं बहुणा ?, कप्परुक्खए चेव अलंकिअविभूसिए नरिंदे सकोरिंमल्लदामेणं छत्तेणं धरिज्जमाणेणं सेअवरचामराहिं उद्धु-
व्वमाणीहिं मंगलजयसदकयालोए अणेगगणनायगदंडनायगराईसरतलवरमाडंबिअकोडुंबिअमंतिमहामंतिगणगदोवारियअमच्चचेडपीढमहनगरनिगमसिट्टिसेणावइसत्थवाहदूअसंधि-
वाल सद्धि संपरिवुडे धवलमहामेहनिग्गए इव गहगणदिप्पंतरिक्खतारागणाण मज्झे ससिब्व पिअदंसणे नरवई मज्जणघराओ पडिनिक्खमइ ता जेणेव बाहिरिया उवट्टाणसाला तेणेव उवागच्छइ ता सीहासणंसि पुरत्थाभिमुहे निसीअइ ता अप्पणो उत्तरपुरच्छिमे दिसीभाए अट्ट भदासणाइं सेअवत्थपच्चुत्थुयाइं सिद्धत्थयकयमंगलोवयाराइं रयावेइ ता अप्पणो
अदूरसामंते नाणामणिरयणमंडिअं अहिअपिच्छणिज्जं महग्घवरपट्टणुग्गयं सण्हपट्टभत्तिसयचित्तताणं ईहामिअउसभतुरगनरमगरविहगवालगाकिन्नररुस्सरभचमरकुंजरवणलयपउम-
लयभत्तिचित्तं अब्भितरियं जवणियं अंछावेइ ता नाणामणिरयणभत्तिचित्तं अत्थरयमिउमसूरगुत्थयं सेयवत्थपच्चुत्थुयं सुमउयं अंगसुहफरिसगं विसिट्टं तिसलाए खत्तिआणीए भदा-
सणं रयावेइ ता कोडुंबियपुरिसे सदावेइ ता एवं वयासी-खिप्पामेव भो देवाणुप्पिया ! अट्टंगमंगलमहानिमित्तसुत्तत्थपारए विविहसत्थकुसले सुविणलक्खणपाढए सदावेह । २२ । तए णं
कोडुंबियपुरिसा सिद्धत्थेणं रण्णा एवं वुत्ता समाणा हट्टा जाव हयहियया करयल जाव पडिसुणंति ता सिद्धत्थस्स खत्तियस्स अंतियाओ पडिनिक्खमंति ता कुंडपुरं नगरं मज्झं-
मज्झेणं जेणेव सुविणलक्खणपाढगाणं गेहाइं तेणेव उवागच्छंति ता सुविणलक्खणपाढए सदाविति, तए णं ते सुविणलक्खणपाढया सिद्धत्थस्स खत्तियस्स कोडुंबियपुरिसेहिं सदा-
विया समाणा हट्टतुट्ट जाव हियया ण्हाया कयबलिकम्मा कयकोउअमंगलपायच्छित्ता सुद्धप्पावेसाइं मंगल्लाइं वत्थाइं पवराइं परिहिया अप्पमहग्घाभरणालंकियसरीरा सिद्धत्थयह-
रिआलिआकयमंगलमुद्धाणा सएहिं २ गेहेहिंतो निग्गच्छंति ता खत्तियकुंडग्गामं नगरं मज्झंमज्झेणं जेणेव सिद्धत्थस्स रण्णो भवणवरवडिंसगपडिदुवारे तेणेव उवागच्छंति ता भव-
णवरवडिंसगपडिदुवारे एगयओ मिलंति ता जेणेव बाहिरिया उवट्टाणसाला जेणेव सिद्धत्थे खत्तिए तेणेव उवागच्छंति ता करयलपरिग्गहियं जाव कट्टु सिद्धत्थं खत्तिअं जएणं विज-
एणं वद्धाविति, तए णं ते सुविणलक्खणपाढगा सिद्धत्थेणं रण्णा वंदियपूइअसक्कारिअसम्माणिया समाणा पत्तेयं २ पुब्वत्थेसु भदासणेसु निसीयंति । २३ । तए णं सिद्धत्थे खत्तिए
त्तिसलं खत्तियाणिं जवणिअंतरियं ठवेइ ता पुप्फफलपडिपुण्णहत्थे परेणं विणएणं ते सुविणलक्खणपाढए एवं वयासी-एवं खलु देवाणुप्पिया ! अज्ज तिसला खत्तियाणी तंसि तारिसगंसि
जाव सुत्तजागरा ओहीरमाणी २ इमे एयारूवे उराले चउदस महासुमिणे पासित्ताणं पडिबुद्धा तं०-गय० गाहा, तं तेसिं चउदसण्हं महासुमिणाणं देवाणुप्पिया ! उरालाणं के मन्ने
कल्लणे फलवित्तिविसेसे भविस्सइ ?, तए णं ते सुमिणलक्खणपाढगा सिद्धत्थस्स खत्तियस्स अंतिए एयमट्टं सोच्चा निसम्म हट्टतुट्ट जाव हयहियया ते सुमिणे ओगिण्हंति ता ईहं
अणुपविसंति ता अन्नमन्नेणं सद्धिं संलावेंति ता तेसिं सुमिणाणं लहियट्टा गहिअट्टा पुच्छियट्टा विणिच्छियट्टा अभिगयट्टा सिद्धत्थस्स रण्णो पुरओ सुमिणसत्थाइं उच्चारमाणा २
सिद्धत्थं खत्तियं एवं वयासी-एवं खलु देवाणुप्पिया ! अहं सुमिणसत्थे बायालीसं सुमिणा तीसं महासुमिणा बाहत्तारिं सब्बसुमिणा दिट्टा, तत्थ णं देवाणुप्पिया ! अरहंतमायरो वा
चक्कवट्टिमायरो वा अरहंतंसि वा चक्कहरंसि वा गब्भं वक्कममाणंसि एएसिं तीसाए महासुमिणाणं इमे चउदस महासुमिणे पासित्ताणं पडिबुद्धंति तं०-गय० गाहा, वासुदेव- (२४९)

मायरो वासुदेवंसि गब्भं वक्कममाणंसि एएसिं चउदसण्हं महासुमिणाणं अन्नयरे सत्त महासुमिणे पासित्ताणं पडिबुज्झंति, बलदेवमायरो वा बलदेवंसि गब्भं वक्कममाणंसि एएसिं चउदसण्हं महासुमिणाणं अन्नयरे चत्तारि महासुमिणे पासित्ताणं पडिबुज्झंति, मंडलियमायरो मंडलियंसि गब्भं वक्कंते समाणे एएसिं चउदसण्हं महासुमिणाणं अन्नयरं एगं महासुमिणं पासित्ताणं पडिबुज्झंति, इमेयाणिं देवाणुप्पिया ! तिसलाए खत्तियाणीए चोदस महासुमिणा दिट्ठा तं उराला णं देवाणुप्पिया ! तिसलाए खत्तियाणीए सुमिणा दिट्ठा, तं० अत्थलाभो देवाणुप्पिया ! भोगलाभो० पुत्तलाभो० सुक्खलाभो० रज्जलाभो०, एवं खलु देवाणुप्पिया ! तिसला खत्तियाणी नवण्हं मासाणं बहुपडिपुण्णाणं अद्धट्टमाणं राइंदिआणं वड्ढंताणं तुब्भं कुलकेउं कुलदीवं कुलपच्चयं कुलवडिंसगं कुलतिलयं कुलकित्तिकरं कुलाहारं कुलनंदिकरं कुलजसकरं कुलपायवं कुलविवद्वणकरं सुकुमालपाणिपायं अहीणपडिपुण्णपंचिंदियसरीरं लक्खणवंजणगुणोववेअं माणुम्माणपमाणपडिपुण्णसुजायसव्वंगसुंदरंगं ससिसोमाकारं कंतं पियदंसणं सुरूवं दारयं पयाहिइ, सेऽविय णं दारए उम्मुक्कवालभावे विन्नायपरिणयमित्ते जुव्वणगमणुप्पत्ते सूरं वीरे विक्कंते विच्छिन्नबलवाहणे चाउरंतचक्कवट्टी रज्जवई राया भविस्सइ, जिणे वा तिलोगनायगे धम्मवरचाउरंतचक्कवट्टी, तं उराला णं देवाणुप्पिया ! तिसलाए खत्तियाणीए सुमिणा दिट्ठा जाव आरुग्गतुट्टिदीहाऊकल्लाणमंगल्लकारगा णं देवाणुप्पिया ! तिसलाए खत्तियाणीए सुमिणा दिट्ठा । २४। तए णं से सिद्धत्थे राया तेसिं सुमिणलक्खणपाढगाणं अंतिए एयमट्टं सोच्चा निसम्म हट्टतुट्ट जाव हियए करयल जाव ते सुमिणलक्खणपाढगे एवं वयासी-एवमेयं देवाणुप्पिया ! तहमेयं० अवितहमेयं० असंदिद्धमेयं० इच्छियमेयं० पडिच्छियमेयं० इच्छियपडिच्छियमेयं देवाणुप्पिया !, सच्चे णं एस अट्टे से जहेयं तुब्भे वयहत्तिकट्टु ते सुमिणे सम्मं संपडिच्छइ ता ते सुविणलक्खणपाढए विउलेणं पुप्फवत्थगंधमल्लालंकारेणं सक्कारेइ सम्माणेइ ता विउलं जीवियारिहं पीइदाणं दलइ ता पडिविसज्जेइ । २५। तए णं से सिद्धत्थे खत्तिए सीहासणाओ अब्भुट्टेइ ता जेणेव तिसला खत्तियाणी जवणिअंतरिया तेणेव उवागच्छइ ता तिसलं खत्तियाणिं एवं वयासी-एवं खलु देवाणुप्पिए ! सुमिणसत्थंसि बायालीसं सुमिणा जाव एगं महासुमिणं सुमिणे पासित्ताणं पडिबुज्झंति, इमेयाणिं तुमं देवाणुप्पिए ! चउदस महासुमिणा दिट्ठा तं उराला णं तुमे जाव जिणे वा तेलुक्कनायगे धम्मवरचाउरंतचक्कवट्टी, तए णं सा तिसला एयमट्टं सुच्चा निसम्म हट्टतुट्ट जाव हयहिअया करयल जाव ते सुमिणे सम्मं संपडिच्छइ ता सिद्धत्थेणं रण्णा अब्भणुन्नाया समाणी नाणामणिरयणभत्तिचित्ताओ भद्दासणाओ अब्भुट्टेइ ता अतुरिअं अचवलं असंभंताए रायहंससरिसीए गर्इए जेणेव सए भवणे तेणेव उवागच्छइ ता सयं भवणं अणुपविट्ठा । २६। जप्पभिइं च णं समणे भगवं महावीरे तं नायकुलं साहरिए तप्पभिइं च णं बहवे वेसमणकुंडधारिणो तिरियजंभगा देवा सक्कवयणेणं से जाइं इमाइं पुरापोराणाइं महानिहाणाइं भवंति तं०-पहीणसामिआइं पहीणसेउआइं पहीणगुत्तागाराइं उच्छिन्नसामिआइं उच्छिन्नसेउआइं उच्छिन्नगुत्तागाराइं गामागरनगरखेडकब्बडमडंबदोणमुहपट्टणासमसंबाहसन्निवेसेसु सिंघाडएसु वा तिएसु वा चउकेसु वा चच्चरेसु वा चउम्मुहेसु वा महापहेसु वा गामट्टाणेसु वा नगरट्टाणेसु वा गामणिद्धमणेसु वा नगरनिद्धमणेसु वा आवणेसु वा देवकुलेसु वा सभासु वा पवासु वा आरामेसु वा उज्जाणेसु वा सुसाणसुन्नागारगिरिकंदरसंतिसेलोवट्टाणगिहेसु वा सन्निक्वित्ताइं चिट्ठंति ताइं सिद्धत्थरायभवणंसि साहरंति, तए णं समणस्स भगवओ महावीरस्स अम्मापिऊणं अयमेयारूवे अब्भत्थिए चित्तिए पत्थिए मणोगए संकप्पे समुप्पज्जित्था-जप्पभिइं च णं अम्हं एस दारए कुच्छिसि गब्भत्ताए वक्कंते तप्पभिइं च णं अम्हे हिरण्णेणं वड्ढामो सुवण्णेणं धणेणं धन्नेणं रज्जेणं रट्टेणं बलेणं वाहणेणं कोसेणं कुट्टागारेणं पुरेणं अंतेउरेणं जणवएणं वड्ढामो विपुलधणकणगरयणमणिमुत्तियसंखसिलप्पवालरत्तरयणमाइएणं संतसारसावइज्जेणं पीइसक्कारेणं अईव २ अभिवड्ढामो, तं जया णं अम्हं एस दारए जाए भविस्सइ तथा णं अम्हे एयस्स दारगस्स एयाणुरूवं गुणं गुणनिप्फन्नं नामधिज्जं करिस्सामो वद्धमाणुत्ति । २७। तए णं समणे भगवं महावीरे माउए अणुकंपणट्टाए निच्चले निप्फंदे निरंजणे अल्लीणपल्लीणगुत्ते आवि होत्था, तए णं तीसे तिसलाए खत्तियाणीए अयमेयारूवे जाव संकप्पे समुप्पज्जित्था-हटे मे से गब्भे मडे मे से गब्भे चुए मे से गब्भे गलिए मे से गब्भे, एस मे गब्भे पुब्बिं एयइ इयाणिं नो एयइत्तिकट्टु ओहयमणसंकप्पा चिंतासोगसागरसंपविट्ठा करयलपल्हत्थमुही अट्टज्झाणोवगया भूमीगयदिट्टिया झियाइ, तंपिय सिद्धत्थरायभवणं उवरयमुइंगतंतीतलतालनाडइज्जजणमणुज्जं दीणविमणं विहरइ, तए णं समणे भगवं महावीरे माऊए अयमेयारूवं अब्भत्थियं पत्थियं मणोगयं संकप्पं समुप्पन्नं वियाणित्ता एगदेसेणं एयइ, तए णं सा तिसला खत्तियाणी तं गब्भं एयमाणं वेयमाणं चलमाणं फंदमाणं जाणित्ता हट्टतुट्टा जाव हयहिअया एवं वयासी-नो खलु मे गब्भे हटे(डे) जाव नो गलिए, मे गब्भे पुब्बिं नो एयइ इयाणिं एयइ, तए णं समणे भगवं महावीरे गब्भत्थे चव इमेयारूवं अभिग्गहं अभिगिण्हइ-नो खलु मे कप्पइ अम्मा(प्र० म्हा)पिईहिं जीवंतेहिं मुंडे भवित्ता अगारवासाओ अणगारिअं पव्वइत्तए । २८। तए णं सा तिसला खत्तियाणी ण्हाया कयबलिकम्मा कयकोउयमंगलपायच्छित्ता सवालंकारभूसिया तं गब्भं ना-

इसीएहिं नाइउण्हेहिं नाइतित्तेहिं नाइकडुएहिं नाइकसाएहिं नाइअंबिलेहिं नाइमहुरेहिं नाइनिद्वेहिं नाइलुक्खेहिं नाइउल्लेहिं नाइसुकेहिं सब्तुगउभयमाणसुहेहिं भोयणच्छायणगं-
धमल्लेहिं ववगयरोगसोगमोहभयपरिस्समा सा जं तस्स गब्भस्स हिअं मियं गब्भपोसणं तं देसे अ काले अ आहरमाणी विचित्तमउएहिं सयणासणेहिं पइरिक्खसुहाए मणोऽणुकूलाए
विहारभूमीए पसत्थदोहला संपुण्णदोहला संमाणियदोहला अविमाणिअदोहला वुच्छिन्नदोहला ववणीअदोहला सुहंसुहेणं आसयइ सयइ चिट्ठइ निसीअइ तुयइइ सुहंसुहेणं तं गब्भं
परिवहइ । २९। तेणं कालेणं० समणे भगवं महावीरे, जे से गिम्हाणं पढमे मासे दुच्चे पक्खे चित्तसुद्धे तस्स णं चित्तसुद्धस्स तेरसीदिवसेणं नवण्हं मासाणं बहुपडिपुण्णाणं अद्धट्टमाणं राईदि-
याणं विइक्कंताणं पुव्वरत्तावरत्तकालसमयंसि हत्थुत्तराहिं नक्खत्तेणं जोगमुवागएणं आरुग्गा आरुग्गं दारयं पयाया । ३०। जं रयणिं च णं समणे भगवं महावीरे जाए तं रयणिं च (सा) णं
बहूहिं देवेहिं देवीहि य ओवयंतेहिं उप्पयंतेहि य उज्जोविया आवि होत्था, जं रयणिं च णं समणे भगवं महावीरे जाये तं रयणिं च णं बहूहिं देवेहिं देवीहि य ओवयंतेहिं उप्पयंतेहि
य उप्पिजलमाणभूआ कहकहभूआ आवि हुत्था, जं रयणिं च णं समणे भगवं महावीरे जाए तं रयणिं च णं बहवे वेसमणकुंडधारी तिरियजंभगा देवा सिद्धत्थरायभवणंसि हिरण्णवासं
च सुवण्णवासं च वयरवासं च वत्थवासं च आभरणवासं च पत्तवासं च पुप्फवासं च (फलवासं च) बीअवासं च मल्लवासं च गंधवासं च चुण्णवासं च वण्णवासं च वसुहारवासं च वासिंसु
। ३१। तए णं से सिद्धत्थे खत्तिए भवणवइवाणमंतरजोइसवेमाणिएहिं देवेहिं तित्थयरजम्मणाभिसेयमहिमाए कयाए समाणीए पच्चूसकालसमयंसि नगरगुत्तिए सदावेइ ता एवं
वयासी-खिप्पामेव भो देवाणुप्पिया ! कुंडपुरे नगरे चारगसोहणं करेह ता माणुम्माणवद्धणं करेह ता कुंडपुरं नगरं सन्निभतरबाहिरियं आसियसम्मज्जिओवलेवियं संघाडगतिगचउक्कच-
च्चरचउम्महमहापहेसु सित्तसुइसंमट्टरत्थंतरावणवीहियं मंचाइमंचकलिअं नाणाविहरागभूसिअज्झयपडागमंडिअं लाउल्लोइयमहिअं गोसीससरसरत्तचंदणदइरदिन्नपंचंगुलितलं उव-
हियचंदणकलसं चंदणघडसुकयतोरणपडिदुवारदेसभागं आसत्तोस्सत्तविपुलवट्टवघारियमल्लदामकलावं पंचवण्णसरससुरभिमुक्कपुप्फपुंजोवयारकलिअं कालागुरुपवरकुंदुरुक्कतुरुक्कड-
ज्झंतधूवमघमघंतगंधुद्धुआभिरामं सुगंधवरगंधिअं गंधवट्टिभूअं नडनट्टगजल्लमल्लमुट्टियवेलंबगकहगपवगलासगआरक्खगलंखमंखतूणइल्लतुंबवीणियअणेगतालायराणुचरिअं करेह का-
रवेह ता य जूअसहस्सं मुसलसहस्सं च उस्सवेह ता मम एयमाणत्तियं पच्चप्पिणह, तए णं ते कोडुंबियपुरिसा सिद्धत्थेणं रण्णा एवं वुत्ता समाणा हट्टा जाव हिअया करतल जाव
पडिसुणित्ता खिप्पामेव कुंडपुरे नगरे चारगसोहणं जाव उस्सवित्ता जेणेव सिद्धत्थे राया तेणेव उवागच्छंति ता करयल जाव कट्टु सिद्धत्थस्स रण्णो एयमाणत्तियं पच्चप्पिणंति, तए णं
सिद्धत्थे राया जेणेव अट्टणसाला तेणेव उवागच्छइ ता जाव सब्बोरोहेणं सब्बपुप्फगंधवत्थमल्लालंकारविभूसाए सब्बतुडिअसहनिनाएणं महया इड्डीए महया जुईए महया बलेणं महया
वाहणेणं महया समुदएणं महया तुडिअजमगपवाइएणं संखपणवभेरिअल्लरिखरमुहिहुडुक्कमुरवमुइंगदुंदुहिनिग्घोसनाइयरवेणं उस्सुंकं उक्करं उक्किट्टं अदिजं अमिजं अभडप्पवेसं अदंड-
कोदंडियं अधरिमं गणिआवरनाडइज्जकलियं अणेगतालायराणुचरिअं अणुद्धुअमुइंगं अमिलायमल्लदामं पमुइअपक्कीलियसपुरजणजाणवयं दसदिवसं ठिइवडियं करेइ, त(अं० ५००)ए
णं से सिद्धत्थे राया दसाहियाए ठिइपडियाए वट्टमाणीए सइए य साहस्सिए य सयसाहस्सिए य जाए य दाए य भाए य दलमाणे य दवावेमाणे य सइए य साहस्सिए य सयसाह-
स्सिए य लंभे पडिच्छेमाणे य पडिच्छावेमाणे य एवं च णं विहरइ । ३२। तए णं समणस्स भगवओ महावीरस्स अम्मापियरो पढमे दिवसे ठिइपडियं करिंति तइए दिवसे चंदसूरदंस-
णिअं करिंति छट्टे दिवसे धम्मजागरियं करिंति इक्कारसमे दिवसे विइक्कंते निव्वत्ते असुइजायकम्मकरणे संपत्ते बारसाहे दिवसे विउलं असणपाणखाइमसाइमं उवक्खडाविति ता मित्त-
नाइनिययसयणसंबंधिपरिजणं नाए य खत्तिए य आमंतेति, तओ पच्छा ण्हाया कयबलिकम्मा कयकोउयमंगलपायच्छित्ता भोअणवेलाए भोअणमंडवंसि सुहासणवरगया तेणं मित्त-
नाइनिययसंबंधिजणेणं नायएहिं सद्धिं तं विउलं असणपाणखाइमसाइमं आसाएमाणा विसाएमाणा परिभुंजेमाणा परिभाएमाणा जिमिअभुत्तुत्तरागयाविअ णं समाणा आयंता चुक्खा
परमसुइभूआ ते मित्तनाइनिययसयणसंबंधिपरिजणं नायए खत्तिए य विउलेणं पुप्फवत्थमल्लालंकारेणं सक्कारिंति संमाणिति ता तस्सेव मित्तनाइनिययसयणसंबंधिपरियणस्स नायाणं
खत्तिआण य पुरओ एवं वयासी-पुव्विपि णं देवाणुप्पिया ! अम्हं एयंसि दारगंसि गब्भं वक्कंतंसि समाणंसि इमेयारूवे अब्भत्थिए चित्तिए जाव समुप्पजित्था-जप्पभिइं च णं अम्हं
एस दारए कुच्छिसि गब्भत्ताए वक्कंते तप्पभिइं च णं अम्हे हिरण्णेणं वड्डामो सुवण्णेणं धणेणं जाव सावइजेणं पीइसक्कारेणं अईव २ अभिवड्डामो सामंतरायाणो वसमागया य तं
जया णं अम्हं एस दारए जाए भविस्सइ तया णं अम्हे एयस्स दारगस्स एयाणुरूवं गुणं गुणनिप्फन्नं नामधिज्जं करिस्सामो तं-होउ णं अम्हं कुमारे वद्धमाणे नामेणं २ । ३३। समणे
भगवं महावीरे कासवगुत्तेणं तस्स णं तओ नामधिज्जा एवमाहिज्जंति तं०-अम्मापिउसंतिए वद्धमाणे, सहसंमुइआए समणे, अयले भयभेरवाणं परीसहोवसग्गाणं खंते धीमं अरइसहे

दविए वीरिअसंपन्ने देवेहिं से नामं कयं समणे भगवं महावीरे, समणस्स णं भगवओ महावीरस्स पिआ कासवगुत्तेणं तस्स णं तओ नामधिजा एवमाहिजंति, तं०-सिद्धत्थेइ वा सिज्जं-
सेइ वा जसंसेइ वा, समणस्स णं भगवओ महावीरस्स माया वासिटी गुत्तेणं तीसे तओ नामधिजा एवमाहिजंति, तं०-तिसलाइ वा विदेहदिआइ वा पिअकारिणीइ वा, समणस्स णं
भगवओ महावीरस्स पित्तिजे सुपासे जिट्ठे भाया नंदिवद्वणे भगिणी सुदंसणा भारिया जसोआ कोडिआ गुत्तेणं, समणस्स णं भगवओ महावीरस्स धूआ कासवी गुत्तेणं तीसे दो ना-
मधिजा एवमाहिजंति तं०-अणोज्जाइ वा पियदंसणाइ वा, समणस्स णं भगवओ महावीरस्स नत्तुई कोसिया गुत्तेणं तीसे दो नामधिजा एवमाहिजंति तं०-सेसवईइ वा जसवईइ वा
। ३४। समणे भगवं महावीरे दक्खे पइन्ने पडिरूवे आलीणे भइए विणीए नाए नायपुत्ते नायकुलचंदे विदेहे विदेहदिन्ने विदेहजच्चे विदेहसूमाले तीसं वासाइ विदेहंसि कट्टु अस्मा-
पिईहिं देवत्तगएहिं गुरुमहत्तरेहिं अब्भणुत्ताए समत्तपइन्ने पुणरवि लोगंतिएहिं जीअकप्पिएहिं देवेहिं ताहिं इट्ठाहिं कंताहिं पिआहिं मणुत्ताहिं मणामाहिं उरालाहिं कल्लाणाहिं सिवाहिं
धन्नाहिं मंगल्लाहिं मिअमहुरसस्सिरीआहिं वग्गूहिं अणवरयं अभिनंदमाणा य अभिधुवमाणा य एवं वयासी-जय २ नंदा!, जय २ भदा!, भइं ते, जय २ खत्तिअवरवसहा! बुज्झाहि
भगवं लोगनाहा! पवत्तेहि धम्मतित्थं हियसुहनिस्सेयसकरं सव्वल्लोयसव्वजीवाणं भविस्सइत्तिकट्टु जयजयसइं पउंजंति, पुट्ठिपि य समणस्स भगवओ महावीरस्स माणुस्साओ
गिहत्थधम्माओ अणुत्तरे अप्पडिवाइ आभोइए नाणदंसणे हुत्था, तए णं समणे भगवं महावीरे तेणं अणुत्तरेणं आभोइएणं नाणदंसणेणं अप्पणो निक्खमणकालं आभोइए ता चिच्चा
हिरण्णं चिच्चा सुवण्णं चिच्चा धणं चिच्चा धण्णं चिच्चा रज्जं चिच्चा रट्ठं एवं बलं वाहणं कोसं कुट्टागारं चिच्चा पुरं चिच्चा अंतेउरं चिच्चा जणवयं चिच्चा विपुलधणकणगरयणमणिमुत्तिय-
संखसिलप्पवालरत्तरयणमाइयं संतसारसावइज्जं विच्छइडइत्ता विगोवइत्ता दाणं दायारेहिं परिभाइत्ता तेणं कालेणं० जे से हेमंताणं पढमे मासे पढमे पक्खे मग्गसिरबहुले तस्स णं
मग्गसिरबहुलस्स दसमीपक्खेणं पाईणगामिणीए छायाए पोरिसीए अभिनिव्विट्ठाए पमाणपत्ताए सुवएणं दिवसेणं विजएणं मुहुत्तेणं चंदप्पभाए सीआए सदेवमणुआसुराए परिसाए
समणुगम्ममाणमग्गे संखियचक्कियनंगलिअमुहमंगलियवद्धमाणपूसमाणघंटियगणेहिं ताहिं इट्ठाहिं कंताहिं पियाहिं मणुत्ताहिं मणामाहिं उरालाहिं कल्लाणाहिं सिवाहिं धन्नाहिं मंग-
ल्लाहिं मिअमहुरसस्सिरीआहिं वग्गूहिं अभिनंदमाणा अभिसंथुणमाणा य एवं वयासी-जय २ नंदा!, जय २ भदा!, भइं ते, जय २ खत्तिअवरवसहा!, बहूइं दिवसाइं बहूइं पक्खाइं
बहूइं मासाइं बहूइं उऊइं बहूइं अयणाइं बहूइं संवच्छराइं अभीए परीसहोवसग्गाणं खंतिखमे भयभेरवाणं धम्मे ते अविग्घं भवउत्तिकट्टु जयजयसइं पउंजंति। ३५। तए णं समणे भगवं
महावीरे नयणमालासहस्सेहिं पिच्छिज्जमाणे २ वयणमालासहस्सेहिं अभिधुवमाणे २ हिययमालासहस्सेहिं उन्नंदिज्जमाणे २ मणोरहमालासहस्सेहिं विच्छिप्पमाणे २ कंतिरूवगु-
णेहिं पत्थिज्जमाणे २ अंगुलिमालासहस्सेहिं दाइज्जमाणे २ दाहिणहत्थेणं बहूणं नरनारीसहस्साणं अंजलिमालासहस्साइं पडिच्छमाणे २ भवणपंतिसहस्साइं समइच्छमाणे तंती-
तलतालतुडियगीयवाइअरवेणं महुरेण य मणहरेणं जयसइघोसएण मंजुमंजुणा घोसेण य पडिबुज्झमाणे २ सव्विइटीए जाव रवेणं कुंडपुरं नगरं मज्झंमज्झेणं निग्गच्छइ ता जेणेव
नायसंडवणे उज्जाणे जेणेव असोगवरपायवे तेणेव उवागच्छइ ता असोगवरपायवस्स अहे सीयं ठावेइ ता सीयाओ पच्चोरुहइ ता सयमेव आभरणमल्लालंकारं ओमुअइ ता सयमेव
पंचमुट्ठियं लोअं करेइ ता छट्ठेणं भत्तेणं अपाणएणं हत्थुत्तराहिं नक्खत्तेणं जोगमुवागएणं एगं देवदूसमादाय एगे अबीए मुंडे भवित्ता अगाराओ अणगारिअं पवइए। ३६। समणे
भगवं महावीरे संवच्छरं साहियं मासं जाव चीवरधारी होत्था, तेण परं अचेले पाणिपडिग्गाहिए, समणे भगवं महावीरे साइरेगाइं दुवालस वासाइं निच्चं वोसट्टकाए चियत्तदेहे जे केई
उवसग्गा उप्पजंति, तं०-दिआ वा माणुसा वा तिरिक्खजोणिआ वा अणुलोमा वा पडिलोमा वा ते उप्पन्ने सम्मं सहइ खमइ तितिक्खइ अहियासेइ, तए णं समणे भगवं महावीरे
अणगारे जाए ईरियोमिए भासासमिए एसणासमिए आयाणभंडमत्तनिक्खेवणासमिए उच्चारपासवणखेलसिंघाणजल्लुपारिट्ठावणियासमिए मणसमिए वयसमिए कायसमिए मणगुत्ते
वयगुत्ते कायगुत्ते गुत्ते गुत्तिंदिए गुत्तबंधयारी अकोहे अमाणे अमाए अलोहे संते पसंते उवसंते परिनिव्वुडे अणासवे अममे अकिंचणे छिन्नगंधे निरुवलेवे कंसपाईव मुक्कतोए संखेइव
निरंजणे जीवेइव अप्पडिहयगई गगणमिव निरालंबणे वाऊइव अपडिबद्धे सारयसलिलंबं सुद्धहियए पुक्खरपत्तं निरुवलेवे कुम्मेइव गुत्तिंदिए खग्गिविसाणं व एगजाए विहगइव
विप्पमुक्के भारंडपक्खीइव अप्पमत्ते कुंजरेइव सौंडीरे वसहेइव जायथामे सीहेइव दुद्धरिसे मंदरेइव अकंपे सागरोइव सुगंभीरे चंदोइव सोमलेसे सूरुइव दित्ततेए जच्चकणगं व जायरूवे
वसुंधराइव सव्वफासविसहे सुहुयहुयासणोइव तेयसा जलंते, नत्थि णं तस्स भगवंतस्स कत्थई पडिबंधे, से अ पडिबंधे चउव्विहे पं० तं०-दबओ खित्तओ कालओ भावओ, दबओ सचि-
त्ताचित्तमीसेसु दबेसु, खित्तओ गामे वा नगरे वा अरण्णे वा खित्ते वा खले वा घरे वा अंगणे वा, कालओ समए वा आवलिआए वा आणापाणुए वा थोवे वा खणे वा लवे वा मुहुत्ते

वा अहोरत्ते वा पक्खे वा मासे वा उउए वा अयणे वा संवच्छरे वा अन्नयरे वा दीहकालसंजोए, भावओ कोहे वा माणे वा मायाए वा लोभे वा भए वा हासे वा जाव मिच्छादं-
सणसहे वा, (ग्रं० ६००) तस्स णं भगवंतस्स नो एवं भवइ, से णं भगवं वासावासवजं अट्ट गिम्हहेमंतिए मासे गामे एगराइयं नगरे पंचराइयं वासीचंदणसमाणकप्पे समतिणम-
णिलेट्टुकंचणे समदुक्खसुहे इहलोगे परलोगे अप्पडिबद्धे जीवियमरणे निरवकंखे संसारपारगामी कम्मसंगनिग्घायणट्टाए अम्भुट्टिए एवं च णं विहरइ । ३७ । तत्थ णं भगवंतस्स अणुत्तरेणं
नाणेणं अणुत्तरेणं दंसणेणं अणुत्तरेणं चरित्तेणं अणुत्तरेणं आलएणं अणुत्तरेणं विहारेणं अणुत्तरेणं वीरिएणं अणुत्तरेणं अज्जवेणं अणुत्तरेणं महवेणं अणुत्तरेणं लाघवेणं अणुत्तराए खं-
तीए अणुत्तराए मुत्तीए अणुत्तराए निबुइए (बुद्धीए) अणुत्तराए तुट्टीए अणुत्तरेणं सच्चसंजमतवसुचरिअसोवचियनिव्वाणफलपरिनिव्वाणमग्गेण अप्पाणं भावेमाणस्स दुवालस संव-
च्छराइं विइकंताइं तेरसमस्स संवच्छरस्स अंतरा वट्टमाणस्स जे से गिम्हाणं दुच्चे मासे चउत्थे पक्खे वइसाहसुद्धे तस्स णं वइसाहसुद्धस्स दसमीपक्खेणं पाईणगामिणीए छायाए पो-
रिसीए अभिनिविट्टाए पमाणपत्ताए सुव्वएणं दिवसेणं विजएणं मुहुत्तेणं जंभियगामस्स नगरस्स बहिआ उज्जुवालुयाए नईए तीरे वेयावत्तस्स चेइअस्स अदूरसामंते सामागस्स
गाहावइस्स कट्टकरणंसि सालपायवस्स अहे गोदोहिआए उक्कडुअनिसिज्जाए आयावणाए आयावेमाणस्स छट्टेणं भत्तेणं अपाणएणं हत्थुत्तराहिं नक्खत्तेणं जोगमुवागएणं झाणंत-
रिआए वट्टमाणस्स अणंते अणुत्तरे निव्वाघाए निरावरणे कसिणे पडिपुण्णे केवलवरनाणदंसणे समुप्पन्ने । ३८ । तए णं से भगवं महावीरे अरहा जाए जिणे केवली सब्भू सब्भदरिसी
सदेवमणुआसुरस्स लोगस्स परिआयं जाणइ पासइ सब्भलोए सब्भजीवाणं आगइ गइं ठिइं चवणं उववायं तक्कम्मं मणो माणसिअं भुत्तं कडं पडिसेवियं आवीकम्मं रहोकम्मं अरहा
अरहस्स भागी तं तं कालं मणवयणकायजोगे वट्टमाणं सब्भलोयसब्भजीवाणं सब्भभावे जाणमाणे पासमाणे विहरइ । ३९ । तेणं कालेणं० समणे भगवं महावीरे अट्टियगामं नीसाए
पढमं अंतरावासं वासावासं उवागए चंपं च पिट्टचंपं च नीसाए तओ अंतरावासं वासावासं उवागए वेसालिं नगरिं वाणियगामं च नीसाए दुवालस अंतरावासे वासावासं उवागए राय-
गिहं नगरं नालंदं च बाहिरियं नीसाए चउइस अंतरावासे वासावासं उवागए छ मिहिलाए दो भदिआए एगं आलंभियाए एगं सावत्थीए एगं पणिअभूमीए एगं पावाए मज्झिमाए
हत्थिवालगस्स रण्णो रज्जुगसभाए अपच्छिमं अंतरावासं वासावासं उवागए । ४० । तस्स णं अंतरावासस्स जे से वासाणं चउत्थे मासे सत्तमे पक्खे कत्तिअबहुले तस्स णं कत्तियबहु-
लस्स पन्नरसीपक्खेणं जा सा चरमा रयणी तं रयणिं च णं समणे भगवं महावीरे कालगए विइकंते समुज्जाए छिन्नजाइजरामरणबंधणे सिद्धे बुद्धे मुत्ते अंतगडे परिनिबुडे सब्भदुक्ख-
पहीणे, चंदे नामं से दुच्चे संवच्छरे पीइवद्धणे मासे नंदिवद्धणे पक्खे सुव्वयग्गी नामं से दिवसे उवसमित्ति पवुच्चइ देवाणंदा नामं सा रयणी निरतित्ति पवुच्चइ अच्चे लवे मुत्ते पाणू थोवे
सिद्धे नागे करणे सब्भट्टसिद्धे मुहुत्ते साइणा नक्खत्तेणं जोगमुवागएणं कालगए विइकंते जाव सब्भदुक्खप्पहीणे । ४१ । जं रयणिं च णं समणे भगवं महावीरे कालगए जाव सब्भदुक्ख-
प्पहीणे सा णं रयणी बहूहिं देवेहिं देवीहि य ओवयमाणेहि य उप्पयमाणेहि य उज्जोविया आवि हुत्था, जं रयणिं च णं समणे भगवं महावीरे कालगए जाव सब्भदुक्खप्पहीणे सा णं
रयणी बहूहिं देवेहि य देवीहि य ओवयमाणेहि उप्पयमाणेहि य उप्पिजलगभूआ कहकहगभूआ आवि हुत्था । ४२ । जं रयणिं च णं समणे भगवं महावीरे जाव सब्भदुक्खप्पहीणे तं
रयणिं च णं जिट्टस्स गोअमस्स इंदभूइस्स अणगारस्स अंतेवासिस्स नायए पिज्जबंधणे वुच्छिन्ने अणंते अणुत्तरे जाव केवलवरनाणदंसणे समुप्पन्ने । ४३ । जं रयणिं च णं समणे जाव
सब्भदुक्खप्पहीणे तं रयणिं च णं नव मल्लई नव लेच्छई कासीकोसलगा अट्टारसवि गणरायाणो अमावासाए वा(व)राभोए पोसहोववासं पट्टविं(वयं)सु, गए से भावुज्जोए दब्बुज्जोअं
करिस्सामो । ४४ । जं रयणिं च णं समणे जाव सब्भदुक्खप्पहीणे तं रयणिं च णं खुदाए नाम भासरासी महग्गहे दोवाससहस्सठिई समणस्स भगवओ महावीरस्स जम्मनक्खत्तं सं-
कंते, जप्पभिइं च णं से खुदाए भासरासी महग्गहे दोवाससहस्सठिई समणस्स भगवओ महावीरस्स जम्मनक्खत्तं संकंते तप्पभिइं च णं समणाणं निग्गंथाणं निग्गंथीणं नो उदिए २
पूआसक्कारे पवत्तइ, जया णं से खुदाए जाव जम्मनक्खत्ताओ विइकंते भविस्सइ तथा णं समणाणं निग्गंथाणं निग्गंथीण य उदिए २ पूआसक्कारे भविस्सइ । ४५ । जं रयणिं च णं समणे
भगवं महावीरे कालगए जाव सब्भदुक्खप्पहीणे तं रयणिं च णं कुंथू अणुद्धरी नामं समुप्पन्ना जा ठिया अचलमाणा छउमत्थाणं निग्गंथाणं निग्गंथीण य नो चक्खुफासं हव्वमागच्छति,
जा अठिआ चलमाणा छउमत्थाणं निग्गंथाणं निग्गंथीणं च चक्खुफासं हव्वमागच्छइ जं पासित्ता बहूहिं निग्गंथेहिं निग्गंथीहि य भत्ताइं पच्चक्खायाइं, किमाहु भंते?, अज्जप्पभिइ
दुराराहे संजमे भविस्सइ । ४६ । तेणं कालेणं० समणस्स भगवओ महावीरस्स इंदभूइपामुक्खाओ चउइस समणसाहस्सीओ उक्कोसिआ समणसंपया हुत्था, समणस्स भगवओ महावीरस्स
अज्जचंदणापामुक्खाओ छत्तीसं अजियासाहस्सीओ उक्कोसिया अजियासंपया हुत्था, समणस्स० संखसयगपामुक्खाणं समणोवासगाणं एगा सयसाहस्सी अउणट्टिं च सहस्सा उक्को-
सिया समणोवासगाणं संपया हुत्था, समणस्स० सुलसारेवईपामुक्खाणं समणोवासिआणं तिन्नि सयसाहस्सीओ अट्टारस सहस्सा उक्को० समणोवासियाणं संपया हुत्था, (२५०)

समणस्स० तिन्नि सया चउदसपुत्रीणं अजिणाणं जिणसंकासाणं सच्चस्वरसच्चिवाइंणं जिणोविव अविहं वागरमाणाणं उक्को० चउदसपुत्रीणं संपया हुत्था, समणस्स० तेरस सया ओहि-
नाणीणं अइसेसपत्ताणं उक्को० ओहिनाणीणं संपया हुत्था, समणस्स० सत्त सया केवलनाणीणं संभिण्णवरनाणदंसणघराणं उक्को० केवलनाणिसंपया हुत्था, समणस्स० सत्त सया
वेउवीणं अदेवाणं देविट्टिपत्ताणं उक्को० वेउच्चियसंपया हुत्था, समणस्स० पंच सया विउल्लमईणं अट्टाइजेसु दीवेषु दोसु अ समुदेषु सत्तीणं पजसगाणं पंचिदियाणं मणोगए भावे
जाणंताणं उक्को० विउल्लमईणं संपया हुत्था, समणस्स० चत्तारि सया वाईणं सदेवमणुआसुराए परिसाए वाए अपराजियाणं उक्को० वाइसंपया हुत्था, समणस्स० अट्ट सया अणुत्तरो-
ववाइयाणं गइकल्लाणाणं ठिइकल्लाणाणं आगमेसिभदाणं उक्कोसिआ अणुत्तरोववाइयाणं संपया हुत्था । ४७ । समणस्स भगवओ महावीरस्स दुविहा अंतगडभूमी हुत्था, तं०-जुगं-
तगडभूमी य परियार्यंतगडभूमी य, जाव तच्चाओ पुरिसजुगाओ जुगंत०, चउवासपरियाए अंतमकासी । ४८ । तेणं कालेणं० समणे भगवं महावीरे तीसं वासाइं अगारवासमज्जे व-
सित्ता साइरेगाइं दुवाल्लस वासाइं छउमत्थपरियाणं पाउणिक्का देसूणाइं तीसं वासाइं केवल्लिपरियाणं पाउणिक्का बायालीसं वासाइं सामण्णपरियाणं पाउणिक्का बावत्तारिं वासाइं सच्चउयं
पालइत्ता स्वीणे वेयणिजाउयनामगुत्ते इमीसे ओसप्पिणीए दूसमसुसमाए समाए बहुविइकंताए तीहिं वासेहिं अद्धनवमेहि य मासेहिं सेसेहिं पावाए मज्झिमाए हत्थिपालगस्स रण्णो
रज्जु(ज)सभाए एगे अभीए छट्टेणं भत्तेणं अपाणएणं साइणा नक्खत्तेणं जोगमुवागएणं पच्चसकालसमयंसि संपलिअंकनिसण्णे पणपच्चं अज्झयणाइं कल्लाणफलविवागाइं पणपच्चं अ-
ज्झयणाइं पावफलविवागाइं छत्तीसं च अपुट्टवागरणाइं वागरित्ता पहा(पावय)णं नाम अज्झयणं विभावेमाणे कालगए विइकंते समुजाए छिन्नजाइजराभरणबंधणे सिद्धे बुद्धे मुत्ते
अंतगडे परिनिबुद्धे सच्चदुक्खप्पहीणे । ४९ । समणस्स भगवओ महावीरस्स जाव सच्चदुक्खप्पहीणस्स नव वाससयाइं विइकंताइं दसमस्स य वाससयस्स अयं असीइमे संबच्छरे काले
गच्छइ, वायणंतरे पुण अयं तेणउए संबच्छरे काले गच्छइ इइ दीसइ । ५० । तेणं कालेणं० पासे अरहा पुरिसादाणीए पंचविसाहे हुत्था तं०-विसाहाहिं चुए चइत्ता गब्भं वक्कंते, विसा-
हाहिं जाए, विसाहाहिं मुंडे भवित्ता अगाराओ अणगारिअं पच्चइए, विसाहाहिं अणंते अणुत्तरे/निष्ठाघाए निरावरणे कसिणे पडिपुण्णे केवल्लवरनाणदंसणे समुप्पजे, विसाहाहिं परिनिबुए
। ५१ । तेणं कालेणं० पासे अरहा पुरिसादाणीए जे से गिण्हाणं पढमे मासे पढमे पक्खे चित्तबहुले तस्स णं चित्तबहुलस्स चउत्थीपक्खेणं पाणयाओ कप्पाओ वीसंसागरोवमट्टिइयाओ अणंतरं
चयं चइत्ता इहेव जंबुदीवे दीवे भारहे वासे वाणारसीए नयरीए आससेणस्स रण्णो वम्मए देवीए पुच्चरत्तावरत्तकालसमयंसि विसाहाहिं नक्खत्तेणं जोगमुवागएणं आहारवक्कंतीए
भववक्कंतीए (ग्रं० ७००) सरिरवक्कंतीए कृच्छिसि गम्भत्ताए वक्कंते । ५२ । पासे णं अरहा पुरिसादाणीए तिच्चाणोवगए आवि हुत्था, तं०-चइस्सामिस्ति जाणइ, चयमाणे न जाणइ,
चुएमिस्ति जाणइ, तेणं चैव अभिलावेणं सुविणदंसणविहाणेणं सच्चं जाव निअगं गिहं अणुपविट्टा जाव सुहंसुहेणं तं गब्भं परिवहइ, तेणं कालेणं० पासे अरहा पुरिसादाणीए जे से हेमं-
ताणं दुच्चे मासे तच्चे पक्खे पोसबहुले तस्स णं पोसबहुलस्स दसमीपक्खेणं नवण्हं मासाणं बहुपडिपुण्णाणं अट्टमाणं राइंदियाणं विइकंताणं पुच्चरत्तावरत्तकालसमयंसि विसाहाहिं
नक्खत्तेणं जोगमुवागएणं आरोग्गा आरोग्गं दारयं पयाया, जम्मणं सच्चं पासाभिलावेणं भाणिअच्चं जाव तं होउ णं कुमारे पासे नामेणं २ । ५३ । पासे अरहा पुरिसादाणीए दक्खे दक्खपइजे
पडिरुवे अट्टीणे भइए विणीए तीसं वासाइं अगारवासमज्जे वसित्ता पुणरवि लोगंतिएहिं जीअकप्पिएहिं देवेहिं ताहिं इट्टाहिं जाव एवं वयासी-जय जय नंदा ! जय जय भदा ! भदं ते
जाव जयजयसच्चं पउंजंति, पुच्चिपि णं पासस्स अरहओ पुरिसादाणीयस्स माणुस्सगाओ गिहत्थधम्मओ अणुत्तरे आभोइए तं चैव सच्चं जाव दाणं दाइयाणं परिभाइत्ता जे से हेमंताणं
दुच्चे मासे तच्चे पक्खे पोसबहुले तस्स णं पोसबहुलस्स इक्कारसीदिवसेणं पुच्चण्हकालसमयंसि विसाल्लए सीबिआए सदेवमणुआसुराए परिसाए तं चैव सच्चं नवरं वाणारसिं नगरिं मज्झं-
मज्जेणं निग्गच्छइ त्ता जेणेव आसमपए उज्जाणे जेणेव असोगवरपायवे तेणेव उवागच्छइ त्ता असोगवरपायवस्स अहे सीर्यं ठावेइ त्ता सीयाओ पच्चोरुहइ त्ता सयमेव आभरणमल्लालं-
कारं ओमुअइ त्ता सयमेव पंचमुट्टियं ल्लेअं करेइ त्ता अट्टमेणं भत्तेणं अपाणएणं विसाहाहिं नक्खत्तेणं जोगमुवागएणं एगं देवदूसमादाय तीहिं पुरिसएहिं सच्चिं मुंडे भवित्ता अगा-
रवासाओ अणगारियं पच्चइए, पासे णं अरहा पुरिसादाणीए तेसीइं राइंदियाइं निच्चं वोसट्टकाए चियत्तदेहे जे केई उवसग्गा उप्पज्जंति तं०-दिच्चा वा माणुसा वा निरिक्खजोणिआ वा
अणुलोमा वा पडिलोमा वा ते उप्पजे सम्मं सहइ स्वमइ तितिक्खइ अहियासेइ । ५४ । तए णं से पासे भगवं अणगारे जाए ईरियासमिए जाव अप्पाणं भावेमाणस्स तेसीइं राइंदियाइं वि-
इकंताइं चउरासीइमस्स राइंदियस्स अंतरा वट्टमाणस्स जे से गिण्हाणं पढमे मासे पढमे पक्खे चित्तबहुले तस्स णं चित्तबहुलस्स चउत्थीपक्खेणं पुच्चण्हकालसमयंसि धायइपायवस्स अहे
छट्टेणं भत्तेणं अपाणएणं विसाहाहिं नक्खत्तेणं जोगमुवागएणं झार्णतरिआए वट्टमाणस्स अणंते अणुत्तरे निष्ठाघाए निरावरणे जाव केवल्लवरनाणदंसणे समुप्पजे जाव जाणमाणे पास-

माणे विहरइ । ५५ । पासस्स णं अरहओ पुरिसादाणीयस्स अट्ट गणा अट्ट गणहरा हुत्था तं० - 'सुंभे य अज्जघोसे य, वसिट्ठे बंभयारि य । सोमे सिरिहरे चेव, वीरभहे जसेऽविय ॥३॥ पासस्स णं अरहओ पुरिसादाणीयस्स अज्जदिण्णपामुक्खाओ सोल्लससमणसाहस्सीओ उक्कोसिआ समणसंपया हुत्था, पासस्स णं० पुप्फचूलापामुक्खाओ अट्टत्तीसं अज्जियासाहस्सीओ उक्कोसिआ अज्जियासंपया हुत्था, पासस्स० सुव्वयपामुक्खाणं समणोवासगाणं एगा सयसाहस्सी चउसट्ठिं च सहस्सा उक्कोसिआ समणोवासगाणं संपया हुत्था, पासस्स० सुनंदापामुक्खाणं समणोवासियाणं तिण्णिण सयसाहस्सीओ सत्तावीसं च सहस्सा उक्कोसिआ समणोवासियाणं संपया हुत्था, पासस्स० अट्टसया चउहसपुब्बीणं अजिणाणं जिणसंकासाणं सव्वक्खर जाव चउहसपुब्बीणं संपया हुत्था, पासस्स णं० चउहससया ओहिनाणीणं दससया केवलनाणीणं इक्कारससया वेउच्चियाणं अट्टमसया विउल्लमईणं छसया वाईणं बारससया अणुत्तरोववाइयाणं । ५६ । पासस्स णं अरहओ पुरिसादाणीयस्स दुविहा अंतगडभूमी हुत्था तं० - जुगंतगडभूमी य परियायंतगडभूमी य जाव चउत्थाओ पुरिसजुगाओ जुगंतगडभूमी, तिवासपरिआए अंतमकासी । ५७ । तेणं कालेणं० पासे अरहा पुरिसादाणीए तीसं वासाइं अगारवासमज्जे वसित्ता तेसीइं राईदिआइं छउमत्थपरिआयं पाउणित्ता देसूणाइं सत्तरिं वासाइं केवलिपरिआयं पाउणित्ता पडिपुण्णाइं सत्तरिं वासाइं सामण्णपरिआयं पाउणित्ता एकं वाससयं सव्वाउयं पाल्लत्ता स्त्रीणे वेयणिजाउयनामगुत्ते इमीसे ओसप्पिणीए दूसमसुसमाए बहुविइक्कंताए जे से वासाणं पढमे मासे दुब्बे पक्खे सावणसुद्धे तस्स णं सावणसुद्धस्स अट्टमीपक्खेणं उप्पिं संमेअसेलसिहरंसि अप्पचउत्तीसइमे मासिएणं भत्तेणं अपाणएणं विसाहाहिं नक्खत्तेणं जोगमुवागएणं पुव्वण्हकाल्लसमयंसि वग्घारियपाणी कालगए जाव सव्वदुक्खप्पहीणे । ५८ । पासस्स णं अरहओ जाव सव्वदुक्खप्पहीणस्स दुवाल्लस वाससयाइं विइक्कंताइं तेरसमस्स य वाससयस्स अयं तीसइमे संवच्छरे काले गच्छइ । ५९ । तेणं कालेणं० अरहा अरिट्टनेमी पंचच्चित्ते हुत्था, तं० - चित्ताहिं चुए चइत्ता गब्भं वक्कंते जाव चित्ताहिं परिनिव्वुए, तेणं कालेणं० अरहा अरिट्टनेमी जे से वासाणं चउत्थे मासे सत्तमे पक्खे कत्तिअबहुले तस्स णं कत्तियबहुलस्स बारसीपक्खेणं अपराजिआओ महाविमाणाओ ब(ति)त्तीससागरोवमठिइआओ अणंतरं चयं चइत्ता इहेव जंबुहीवे भारहे वासे सोरियपुरे नयरे समुहविजयस्स रण्णो भारिआए सिवाए देवीए पुव्वरत्तावरत्तकाल्लसमयंसि जाव चित्ताहिं० गब्भत्ताए वक्कंते, सव्वं तहेव सुमिणदंसणदविणसंहरणाइअं इत्थ भाणियव्वं, तेणं कालेणं० अरहा अरिट्टनेमी जे से वासाणं पढमे मासे दुब्बे पक्खे सावणसुद्धे तस्स णं सावणसुद्धस्स पंचमीपक्खेणं नवण्हं मासाणं जाव चित्ताहिं नक्खत्तेणं जोगमुवागएणं आरोग्गा आरोग्गं दारयं पयाया, जम्मणं समुहविजयाभिलावेणं नेयव्वं जाव तं होउ णं कुमारे अरिट्टनेमी नामेणं २, अरहा अरिट्टनेमी दक्खे जाव तिण्णिण वाससयाइं कुमारे अगारवासमज्जे वसित्ताणं पुणरवि ल्लेगंतिएहिं जीअकप्पिएहिं देवेहिं तं चेव सव्वं भाणियव्वं जाव दाणं दाइयाणं परिभाइत्ता जे से वासाणं पढमे मासे दुब्बे पक्खे सावणसुद्धे तस्स णं सावणसुद्धस्स छट्ठीपक्खेणं पुव्वण्हकाल्लसमयंसि उत्तरकुराए सीयाए सदेवमणुआसुराए परिसाए अणुगम्भमाणमग्गे जाव बारवईए नयरीए मज्झमज्जेणं निग्गच्छइ त्ता जेणेव रेवयए उज्जाणे तेणेव उवागच्छइ त्ता असोगवरपायवस्स अहे सीयं ठावेइ त्ता सीयाओ पबोरोहइ त्ता सयमेव आभरणमल्लालंकारं ओमुयइ त्ता सयमेव पंचमुट्ठियं लोयं करेइ त्ता छट्ठेणं भत्तेणं अपाणएणं चित्ताहिं नक्खत्तेणं जोगमुवागएणं एगं देवदूसमादाय एगेणं पुरिससहस्सेणं सद्धिं मुंडे भवित्ता अगाराओ अणगारियं पवइए, से अरहा णं अरिट्टनेमी चउप्पन्नं राईदियाइं निब्बं वोसट्टकाए चियत्तदेहे तं चेव सव्वं जाव पणपवइमस्स राईदियस्स अंतरा वट्टमाणस्स जे से वासाणं तच्चे मासे पंचमे पक्खे आसोयबहुले तस्स णं आसोयबहुलस्स पन्नरसीपक्खेणं दिवसस्स पच्छिमे भाए उज्जितसेल्लसिहरे वेडसपायवस्स अहे छट्ठे(अट्टमे)णं भत्तेणं अपाणएणं चित्ताहिं नक्खत्तेणं जोगमुवागएणं ज्ञाणंतरियाए वट्टमाणस्स जाव अणंते अणुत्तरे जाव सव्वलोए सव्वजीवाणं भावे जाणमाणे पासमाणे विहरइ । ६० । अरहओ णं अरिट्टनेमिस्स अट्टारस गणा अट्टारस गणहरा हुत्था, अरहओ० वरदत्तपामुक्खाओ अट्टारस समणसाहस्सीओ उक्कोसिया समणसंपया हुत्था, अरहओ० अज्जजक्खिणीपामुक्खाओ चत्तालीसं अज्जियासाहस्सीओ उक्कोसिया अज्जिआसंपया हुत्था, अरहओ० नंदपामुक्खाणं समणोवासगाणं एगा सयसाहस्सी अउणत्तरिं च सहस्सा उक्कोसिया सावगसंपया हुत्था, अरहओ० महामुव्वयापामुक्खाणं समणोवासिगाणं तिण्णिण सयसाहस्सीओ छत्तीसं च सहस्सा उक्कोसिया समणोवासियाणं संपया हुत्था, अरहओ० चत्तारि सया चउहसपुब्बीणं अजिणाणं जिणसंकासाणं सव्वक्खर जाव हुत्था, पन्नरससया ओहिनाणीणं पन्नरससया केवलनाणीणं पन्नरससया वेउच्चियाणं दससया विउल्लमईणं अट्टसया वाईणं सोल्लससया अणुत्तरोववाइआणं पन्नरस समणसया सिद्धा तीसं अज्जियासयाइं सिद्धाइं । ६१ । अरहओ णं अरिट्टनेमिस्स दुविहा अंतगडभूमी हुत्था तं० - जुगंतगडभूमी य परियायंतगडभूमी य जाव अट्टमाओ पुरिसजुगाओ जुगंतगडभूमी दुवाल्लसपरिआए अंतमकासी । ६२ । तेणं कालेणं० अरहा अरिट्टनेमी तिण्णिण वाससयाइं कुमारवासमज्जे वसित्ता चउप्पन्नं राईदियाइं छउमत्थपरिआयं पाउणित्ता देसूणाइं सत्त वाससयाइं केवलिप-

रिआयं पाउणिता पडिपुण्णाइं सत्तवाससयाइं सामण्णपरिआयं पाउणिता एगं वाससहस्सं सबाउअं पालइत्ता खीणे वेयणिजाउयनामगुत्ते इमीसे ओसप्पिणीए दूसमसुसमाए समाए बहुविइकंताए जे से गिम्हाणं चउत्थे मासे अट्टमे पक्खे आसाढसुद्धे तस्स णं आसाढसुद्धस्स अट्टमीपक्खेणं उप्पि उज्जितसेलसिहरंसि पंचहिं छत्तीसेहिं अणगारसएहिं सद्धिं मासिएणं भत्तेणं अपाणएणं चित्तानक्खत्तेणं जोगमुवागएणं पुत्ररत्तावरत्तकालसमयंसि नेसजिए कालगए जाव सव्वदुक्खप्पहीणे । ६३ । अरहओ णं अरिट्टनेमिस्स कालगयस्स जाव सव्वदुक्खप्पही- णस्स चउरासीइं वाससहस्साइं विइकंताइं पंचासीइमस्स वाससहस्सस्स नव वाससयाइं विइकंताइं दसमस्स य वाससयस्स अयं असीइमे संवच्छरे काले गच्छइ । ६४ । नमिस्स णं अरहओ कालगयस्स जाव पहीणस्स पंच वाससयसहस्साइं चउरासीइं च वाससहस्साइं नव य वाससयाइं विइकंताइं दसमस्स य वाससयस्स अयं असीइमे संवच्छरे काले गच्छइ, मुणिसुव्वयस्स णं अरहओ कालगयस्स इक्कारस वाससयसहस्साइं चउरासीइं च वाससहस्साइं नव य वाससयाइं विइकंताइं दसमस्स य वाससयस्स अयं असीइमे संवच्छरे काले गच्छइ, मल्लिस्स णं अरहओ जाव सव्वदुक्खप्पहीणस्स पञ्चट्ठिं वाससयसहस्साइं चउरासीइं च वाससहस्साइं नव य वाससयाइं विइकंताइं दसमस्स य वाससयस्स अयं असीइमे संवच्छरे काले गच्छइ, अरस्स णं अरहओ जाव पहीणस्स एगे वासकोडिसहस्से विइकंते सेसं जहा मल्लिस्स तं च एयं-पंचसट्ठिं लक्खा चउरासीइं सहस्सा विइकंता तंमि समए महावीरो निव्वुओ तओ परं नव वाससया विइकंता दसमस्स य वाससयस्स अयं असीइमे संवच्छरे गच्छइ, एवं अग्गओ जाव सेयंसो ताव दट्टवं, कुंथुस्स णं जाव पहीणस्स एगे चउभागपल्लिओवमे विइकंते पंच- सट्ठिं च सयसहस्सा सेसं जहा मल्लिस्स, संतिस्स णं अरहओ जाव पहीणस्स एगे चउभागूणे पल्लिओवमे विइकंते पञ्चट्ठिं च सेसं जहा मल्लिस्स, धम्मस्स णं अरहओ जाव पहीणस्स तिण्णि सागरोवमाइं विइकंताइं पञ्चट्ठिं च सेसं जहा मल्लिस्स, अणंतस्स णं अरहओ जाव पहीणस्स सत्त सागरोवमाइं विइकंताइं पञ्चट्ठिं च सेसं जहा मल्लिस्स, विमलस्स णं अरहओ जाव पहीणस्स सोलस सागरोवमाइं विइकंताइं पञ्चट्ठिं च सेसं जहा मल्लिस्स, वासुपुजस्स णं अरहओ जाव पहीणस्स छायालीसं सागरोवमाइं विइकंताइं पञ्चट्ठिं च सेसं जहा मल्लिस्स, सिज्जंसस्स णं अरहओ जाव पहीणस्स एगे सागरोवमसए विइकंते सेसं जहा मल्लिस्स, सीअलस्स णं अरहओ जाव पहीणस्स एगा सागरोवमकोडी तिवासअद्धनवमासाहिअबायाली- सवाससहस्सेहिं ऊणिआ विइकंता एयंमि समए वीरे निव्वुए तओऽविय णं परं नव वाससयाइं विइकंताइं दसमस्स य वाससयस्स अयं असीइमे संवच्छरे काले गच्छइ, सुविहिस्स णं अरहओ पुप्फदंतस्स जाव पहीणस्स दस सागरोवमकोडीओ विइकंताओ सेसं जहा सीअलस्स तं चेमं-तिवासअद्धनवमासाहिअबायालीसवाससहस्सेहिं ऊणिआ विइकंता इच्चाइ, चंद- प्पहस्स णं अरहओ जाव पहीणस्स एगं सागरोवमकोडिसयं विइकंते सेसं जहा सीअलस्स तिवासअद्धनवमासाहियबायालीसवाससहस्सेहिं ऊणगमिच्चाइ, सुपासस्स णं अरहओ जाव पहीणस्स एगे सागरोवमकोडिसहस्से विइकंते सेसं जहा सीअलस्स तं च इमं-तिवासअद्धनवमासाहिअबायालीसवाससहस्सेहिं ऊणिआ इच्चाइ, पउमप्पहस्स णं जाव पहीणस्स दस सागरोवमकोडिसहस्सा विइकंता तिवासअद्धनवमासाहियबायालीसवाससहस्सेहिं इच्चाइयं सेसं जहा सीअलस्स, सुमइस्स णं जाव पहीणस्स एगे सागरोवमकोडिसयसहस्से विइकंते सेसं जहा सीअलस्स तिवासअद्धनवमासाहियबायालीसवाससहस्सेहिं इच्चाइयं, अभिनंदणस्स णं जाव पहीणस्स दस सागरोवमकोडिसयसहस्सा विइकंता सेसं जहा सीअलस्स तिवासअद्ध- नवमासाहियबायालीसवाससहस्सेहिं इच्चाइयं, संभवस्स णं जाव पहीणस्स वीसं सागरोवमकोडिसयसहस्सा विइकंता सेसं जहा सीअलस्स तिवासअद्धनवमासाहियबायालीसवासस- हस्सेहिं इच्चाइयं, अजियस्स णं अरहओ जाव पहीणस्स पञ्चासं सागरोवमकोडिसयसहस्सा विइकंता सेसं जहा सीअलस्स तिवासअद्धनवमासाहियबायालीसवाससहस्सेहिं इच्चाइयं । ६४ । तेणं कालेणं० उसभे णं अरहा कोसलिए चउउत्तरासाढे अभीइपंचमे हुत्था तं०-उत्तरासाढाहिं चुए चइत्ता गग्गं वकंते जाव अभीइणा परिनिव्वुए । ६५ । तेणं कालेणं० उसभे अरहा कोसलिए जे से गिम्हाणं चउत्थे मासे सत्तमे पक्खे आसाढबहुले तस्स णं आसाढबहुलस्स चउत्थीपक्खेणं सव्वट्टसिद्धाओ महाविमाणाओ तिच्चीससागरोवमट्टिइयाओ अणंतरं चयं चइत्ता इहेव जंबुदीवे दीवे भारहे वासे इक्खागभूमीए नाभिकुलगरस्स मरुदेवीए भारियाए पुत्ररत्तावरत्तकालसमयंसि आहारवकंतीए जाव गग्गत्ताए वकंते । ६६ । उसभे णं अरहा कोसलिए तिन्नाणोवगए आवि हुत्था तं०-चइस्सामित्ति जाणइ जाव सुमिणे पासइ तं०-गय० गाहा सव्वं तहेव, नवरं सुविणपाढगा नत्थि, नाभिकुलगरो वागरेइ । ६७ । तेणं कालेणं० उसभे णं अरहा कोसलिए जे से गिम्हाणं पढमे मासे पढमे पक्खे चित्तबहुले तस्स णं चित्तबहुलस्स अट्टमीपक्खेणं नवण्हं मासाणं बहुपडिपुण्णाणं अट्टमाणं राइन्द्रियाणं जाव आसाढाहिं नक्खत्तेणं जोगमुवागएणं जाव आरोग्गा आरोग्गं दारयं पयाया तं चैव जाव देवा देवीओ य वसुहारवासं वासिंसु सेसं तहेव चारगसोहणं माणुम्माणवड्डणं उस्सुक्कमाइयं ठिइवडियजूववजं सव्वं भाणिअव्वं । ६८ । उसभे णं अरहा कोसलिए कासवगुत्ते णं तस्स णं पंच नामधिजा एवमाहिजंति तं०-उसभेइ वा पढमरायाइ वा पढमभि-

क्वायरेह वा पढमजिणेह वा पढमतिथ्यरेह वा । ६९ । उसमे णं अरहा कोसलिए दक्खे पइण्णे पडिरूवे अह्तीणे भइए विणीए वीसं पुत्रसयसहस्साइं कुमारवासमज्जे वसइ तेवट्ठिं पुत्रसयसहस्साइं रजवासमज्जे वसइ तेवट्ठिं च पुत्रसयसहस्साइं रजवासमज्जे वसमाणे लेहाइआओ गणियप्पहाणाओ सउणरुय(रूव)पज्जवसाणाओ बावत्तरिं कल्लओ चउसट्ठिं च महिलागुणे सिप्पसयं च कमेणं तिभिवि पयाहिआए उवदिसइ, पुत्तसय रजसए अभिसिंचइ. पुणरवि लोअंतिएहिं जीअकप्पिएहिं सेसं तं चैव सत्तं भाणिअत्तं जाव दाणं दाइआणं परिभाइत्ता जे से गिम्हाणं पढमे मासे पढमे पक्खे चित्तबहुले तस्स णं चित्तबहुलस्स अट्टमीपक्खेणं दिवसस्स पच्छिमे भागे सुदंसणाए सीयाए सदेवमणुआसुराए परिसाए समणुग-म्ममाणमग्गे जाव विणीयं रायहाणिं मज्झंमज्जेणं णिग्गच्छइ ता जेणेव सिद्धत्थवणे उज्जाणे जेणेव असोगवरपायवे तेणेव उवागच्छइ ता असोगवरपायवस्स जाव सयमेव चउमुट्ठिअं लोअं करेइ ता छट्ठेणं भत्तेणं अपाणएणं आसाढाहिं नक्खत्तेणं जोगमुवागएणं उग्गाणं भोगाणं राइण्णाणं स्वत्तियाणं च चउहिं सहस्सेहिं सद्धिं एगं देवदूसमादाय मुंडे भवित्ता अगाराओ अणगारियं पव्वइए । ७० । उसमे णं अरहा कोसलिए एगं वाससहस्सं निच्चं वोसट्टुकाए चियत्तदेहे जाव अप्पाणं भावेमाणस्स इक्कं वाससहस्सं विइक्कंतं, तओ णं जे से हेमं-ताणं चउत्थे मासे सत्तमे पक्खे फग्गुणबहुले तस्स णं फग्गुणबहुलस्स इक्कारसीपक्खेणं पुत्रह्कालसमयंसि पुरिमतालस्स नयरस्स बहिया सगडमुहंसि उज्जाणंसि नग्गोहवरपायवस्स अहे अट्टमेणं भत्तेणं अपाणएणं आसाढाहिं नक्खत्तेणं जोगमुवागएणं झ्माणंतरिआए वट्टमाणस्स अणंते जाव जाणमाणे पासमाणे विहरइ । ७१ । उसभस्स णं अरहओ कोसलिअस्स चउरासीई गणा गणहरा य हुत्था, उसभस्स णं० उसभसेणपामुक्खाओ चउरासीई समणसाहस्सीओ उक्कोसिया समणसंपया हुत्था, उसभस्स णं० बंभीसुंदरीपामुक्खाणं अज्जियाणं तिण्णि सयसाहस्सीओ उक्को० अज्जियासंपया हुत्था, उसभस्स णं० सिजंसपामुक्खाणं समणोवासगाणं तिण्णि सयसाहस्सीओ पंचसहस्सा उक्को० सावगसंपया हुत्था, उसभस्स णं० सुभहापामुक्खाणं समणोवासियाणं पंचसयसाहस्सीओ चउपण्णं च सहस्सा उक्को० समणोवासियाणं संपया हुत्था, उसभस्स णं० चत्तारि सहस्सा सत्तसया पण्णासा चउइत्त-पुट्ठीणं अजिणाणं जिणसंकासाणं० उक्को० चउइत्तपुट्ठिसंपया हुत्था, उसभस्स णं० नवसहस्सा ओहिनाणीणं उक्को०, उसभस्स णं वीससहस्सा केवलनाणीणं उक्कोसिया०, उसभस्स णं वीससहस्सा छच्च सया वेउत्थियाणं० उक्कोसिया०, उसभस्स णं० बारस सहस्सा छच्च सया पण्णासा विउल्लमइणं अइटाइज्जेसु दीवसमुहेसु सत्तीणं पंचिदियाणं पज्जत्तगाणं मणोगए भावे जाणमाणे पासमाणे उक्को० विउल्लमइसंपया हुत्था, उसभस्स णं० बारस सहस्सा छच्च सया पण्णासा वाईणं०, उसभस्स णं० अरहओ बावीससहस्सा नवसया अणुत्तरोववाइयाणं गइक० जाव भहाणं उक्कोसिआ० । ७२ । उसभस्स णं० अरहओ दुविहा अंतगडभूमी हुत्था तं० जुगंतगडभूमी य परियायंतगडभूमी य जाव असंखिज्जाओ पुरि-सजुगाओ जुगंतगडभूमी अंतमुहुत्तपरिआए अंतमकासी । ७३ । तेणं कालेणं० उसमे णं अरहा कोसलिए वीसं पुत्रसयसहस्साइं कुमारवासमज्जे वसित्ताणं तेवट्ठिं पुत्रसयसहस्साइं रजवास-मज्जे वसित्ताणं तेसीइं पुत्रसयसहस्साइं अगारवासमज्जे वसित्ताणं एगं वाससहस्सं उउमत्थपरिआयं पाउणिन्ता एगं पुत्रसयसहस्सं वाससहस्सुणं केवल्लिपरिआयं पाउणिन्ता पडिपुण्णं एगं पुत्रसयसहस्सं सामण्णपरियागं पाउणिन्ता चउरासीइं पुत्रसयसहस्साइं सत्ताउयं पालइत्ता स्वीणे वेयणिज्जाउयनामगुत्ते इमीसे ओसप्पिणीए सुसमदूसमाए समाए बहुविइक्कंताए तीहिं वासेहिं अद्धनवमेहिं मासेहिं सेसेहिं जे से हेमंताणं तच्चे मासे पंचमे पक्खे माहबहुले तस्स णं माहबहुलस्स तेरसीपक्खेणं (ग्रं० ९००) उप्पिं अट्ठावयसेल्लसिहरंसि दसहिं अण-गारसहस्सेहिं सद्धिं चोइसमेणं भत्तेणं अपाणएणं अभीइणा नक्खत्तेणं जोगमुवागएणं पुत्रह्कालसमयंसि संपलियंकनिसण्णे कालगए विइक्कंते जाव सत्तदुक्खप्पहीणे । ७४ । उसभ-स्स णं अरहओ कोसलियस्स कालगयस्स जाव सत्तदुक्खप्पहीणस्स तिण्णि वासा अद्धनवमा य मासा विइक्कंता तओवि परं एगा य सागरोवमकोडाकोटी तिवास अद्धनवमासाहियवा-यालीसाए वाससहस्सेहिं उणिया विइक्कंता एयंमि समए समणे भगवं महावीरे परिनिव्वुडे तओवि परं नववाससया विइक्कंता दसमस्स य वाससयस्स अयं असीइमे संवच्छरे काले ग-च्छइ । ७५ । तेणं कालेणं० समणस्स भगवओ महावीरस्स नव गणा इक्कारस गणहरा हुत्था, से केणट्टेणं एवं वुच्चइ-समणस्स भगवओ महावीरस्स नव गणा इक्कारस गणहरा हुत्था ? , समणस्स भगवओ महावीरस्स जिट्ठे इंदभूई अणगारे गोयमगुत्तेणं पंच समणसयाइं वाएइ मज्झिमए अग्गिभूई अणगारे गोयमगुत्तेणं पंच समणसयाइं वाएइ कणीअसे अणगारे वाउ-भूई नामेणं गोयमगुत्तेणं पंच समणसयाइं वाएइ थेरे अज्जवियत्ते भारइए गुत्तेणं पंच समणसयाइं वाएइ थेरे अज्जसुहस्से अग्गिवेसायणे गुत्तेणं पंच समणसयाइं वाएइ थेरे मंडितपुत्ते वासिट्ठगुत्तेणं अद्धुत्तसमणसयाइं वाएइ थेरे मोरिअपुत्ते कासवगुत्तेणं अद्धुत्ताइं समणसयाइं वाएइ थेरे अकंपिए गोयमगुत्तेणं थेरे अयल्लभाया हारिआयणगुत्तेणं पत्तेयं ने दुण्णिवि थेरा तिण्णि तिण्णि समणसयाइं वाएंति थेरे मेइज्जे थेरे पभासे एए दुण्णिवि थेरा कोडिन्ना गुत्तेणं तिण्णि तिण्णि समणसयाइं वाएंति, से तेणट्टेणं अज्जो ! एवं वुच्चइ-समणस्स भगवओ महा-वीरस्स नव गणा इक्कारस गणहरा हुत्था, सत्ते एते समणस्स भगवओ महावीरस्स एक्कारसवि गणहरा दुवाल्लसंगिणो चउदसपुट्ठिणो समनगणिपिडगधारगा रायगिहे नगरे मासिए - (२५१)

णं भत्तेणं अपाणएणं काल्गया जाव सब्बदुक्खप्पहीणा, थेरे इंदभूई थेरे अज्जसुहम्मि सिद्धिगए महावीरे पच्छा दुण्णिवि परिनिव्वुया । ७६ । जे इमे अज्जत्ताए समणा निग्गंथा विहरंति एए णं सब्बे अज्जसुहम्मस्स अणगारस्स आवच्चिज्जा, अवसेसा गणहरा निरवच्चा वुच्छिन्ना । ७७ । समणे भगवं महावीरे कासवगुत्ते णं १, समणस्स णं भगवओ महावीरस्स कासवगुत्तस्स अज्जसुहम्मि थेरे अंतेवासी अग्गिवेसायणसगुत्ते २, थेरस्स णं अज्जसुहम्मस्स अग्गिवेसायणगुत्तस्स अज्जजंबूनामे थेरे अंतेवासी कासवगुत्ते ३, थेरस्स णं अज्जजंबूणामस्स कासवगुत्तस्स अज्जप्पभवे थेरे अंतेवासी कच्चायणसगुत्ते ४, थेरस्स णं अज्जप्पभवस्स कच्चायणसगुत्तस्स अज्जसिज्जंभवे थेरे अंतेवासी मणगपिया वच्छसगुत्ते ५, थेरस्स णं अज्जसिज्जंभवस्स मणगपिउणो वच्छसगुत्तस्स अज्जजसभद्दे थेरे अंतेवासी तुंगियायणसगुत्ते ६, संखित्तावायणाए अज्जजसभद्दाओ अग्गओ एवं थेरावली भगिया, तंजहा-थेरस्स णं अज्जजसभद्दस्स तुंगियायणगुत्तस्स अंतेवासी दुवे थेरा-थेरे अज्जसंभूअविजए माढरसगुत्ते ७, थेरे अज्जभद्दबाहू पाइण्ण(ईण)सगुत्ते, थेरस्स णं अज्जसंभूअविजयस्स माढरसगुत्तस्स अंतेवासी थेरे अज्जथूलभद्दे गोयमसगुत्ते ८, थेरस्स णं अज्जथूलभद्दस्स गोयमसगुत्तस्स अंतेवासी दुवे थेरा-थेरे अज्जमहागिरी एलावच्चसगुत्ते थेरे अज्जसुहत्थी वासिट्ठसगुत्ते ९, थेरस्स णं अज्जसुहत्थिस्स वासिट्ठसगुत्तस्स अंतेवासी दुवे थेरा सुट्ठियसुप्पडिबुद्धा कोडियकाकंदगा वग्घावच्चसगुत्ता १०, थेराणं सुट्ठियसुप्पडिबुद्धाणं कोडियकाकंदगाणं वग्घावच्चसगुत्ताणं अंतेवासी थेरे अज्जइंददिन्ने कोसियगुत्ते ११, थेरस्स णं अज्जइंददिन्नेस्स कोसियगुत्तस्स अंतेवासी थेरे अज्जदिन्ने गोयमसगुत्ते १२, थेरस्स णं अज्जदिन्नेस्स गोयमसगुत्तस्स अंतेवासी थेरे अज्जसीहगिरी जाइस्सरे कोसियगुत्ते १३, थेरस्स णं अज्जसीहगिरिस्स जाइस्सरस्स कोसियगुत्तस्स अंतेवासी थेरे अज्जवइरे गोयमसगुत्ते १४, थेरस्स णं अज्जवइरस्स गोयमसगुत्तस्स अंतेवासी चत्तारि थेरा-थेरे अज्जनातिले थेरे अज्जपोमिले थेरे अज्जजयंते थेरे अज्जतावसे, थेराओ अज्जनातिलाओ अज्जनातिला(ली)साहा निग्गया, थेराओ अज्जवोमिलाओ अज्जवोमिली साहा निग्गया, थेराओ अज्जजयंताओ अज्जजयंती साहा निग्गया, थेराओ अज्जतावसाओ अज्जतावसी साहा निग्गयत्ति । ७८ । वित्थरवायणाए पुण अज्जजसभद्दाओ पुरओ थेरावली एवं पलोइज्जइ तं०-थेरस्स णं अज्जजसभद्दस्स तुंगियायणसगुत्तस्स इमे दो थेरा अंतेवासी अहावच्चा अभिण्णाया हुत्था, तं०-थेरे अज्जभद्दबाहू पाइण्णसगुत्ते थेरे अज्जसंभूअविजए माढरसगुत्ते, थेरस्स णं अज्जभद्दबाहुस्स पाइण्णगुत्तस्स इमे चत्तारि थेरा अंतेवासी अहावच्चा अभिण्णाया हुत्था तं०-थेरे गोदासे थेरे अग्गिदत्ते थेरे जण्णदत्ते थेरे सोमदत्ते कासवगुत्तेणं, थेरेहिंतो गोदासेहिंतो कासवगुत्ते-हिंतो इत्थ णं गोदासगणे नामं गणे निग्गए, तस्स णं इमाओ चत्तारि साहाओ एवमाहिज्जंति, तं०-तामलित्तिया कोडीवरिसिया पंडुवद्धणिया दासीखब्बडिया, थेरस्स णं अज्जसंभूयविजयस्स माढरसगुत्तस्स इमे दुवाल्स थेरा अंतेवासी अहावच्चा अभिण्णाया हुत्था तं०-‘नंदणभद्दुवनंदणभद्दे तह तीसभद्द जसभद्दे । थेरे य सुमणभद्दे मणिभद्दे पुण्णभद्दे य ॥ ४ ॥ थेरे य थूलभद्दे उज्जुमई जंबुनामधिज्जे य । थेरे य दीहभद्दे थेरे तह पंडुभद्दे य ॥ ५ ॥ थेरस्स णं अज्जसंभूअविजयस्स माढरसगुत्तस्स इमाओ सत्त अंतेवासिणीओ अहावच्चाओ अभिण्णायाओ हुत्था तं०-‘जक्खा य जक्खदिण्णा भूया तह चेव भूयदिण्णा य । सेणा वेणा रेणा भगिणीओ थूलभद्दस्स ॥ ६ ॥ थेरस्स णं अज्जथूलभद्दस्स गोयमसगुत्तस्स इमे दो थेरा अंतेवासी अहावच्चा अभिण्णाया तं०-थेरे अज्जमहागिरी एलावच्चसगुत्ते थेरे अज्जसुहत्थी वासिट्ठसगुत्ते, थेरस्स णं अज्जमहागिरिस्स एलावच्चसगुत्तस्स इमे अट्ठ थेरा अंतेवासी अहावच्चा अभिण्णाया हुत्था तं०-थेरे उत्तरे थेरे बलिस्सहे थेरे धण्णइठे थेरे सिरिइठे थेरे कोडिन्ने थेरे नागे थेरे नागमित्ते थेरे छलूए रोहगुत्ते कोसियगुत्तेणं, थेरेहिंतो णं उत्तरबलिस्सहेहिंतो तत्थ णं उत्तरबलिस्सहे नामं गणे निग्गए, तस्स णं इमाओ चत्तारि साहाओ एवमाहिज्जंति तं०-कोसंबिया सोइत्तिया कोडंबाणी चंदनागरी । ७९ । थेरस्स णं अज्जसुहत्थिस्स वासिट्ठसगुत्तस्स इमे दुवाल्स थेरा अंतेवासी अहावच्चा अभिण्णाया हुत्था तं०-थेरे अज्जरोहण जसभद्दे मेहंगणी य कामिइठी । सुट्ठियसुप्पडिबुद्धे रक्खिय तह रोहगुत्ते अ ॥ ७ ॥ इसिगुत्ते सिरिगुत्ते गणी अ बंभे गणी य तह सोमे । दस दो अ गणहरा खलु एए सीसा सुहत्थिस्स ॥ ८ ॥ थेरेहिंतो णं अज्जरोहणेहिंतो तत्थ णं उदेहगणे नामं गणे निग्गए तस्सिमाओ चत्तारि साहाओ निग्गया छच्च कुलाइं एवमाहिज्जंति, से किं तं साहाओ ? साहाओ एवमाहिज्जंति तं०-उदुंबरिज्जिया मासपूरिआ मइपत्तिया सुत्त(ण्ण)पत्तिया, से तं साहाओ, से किं तं कुलाइं ?, कुलाइं एवमाहिज्जंति तं०-‘पढमं च नागभूयं बिइयं पुण सोमभूइयं होइ । अह उल्लगच्छ तइअं चउत्थयं हत्थिलिज्जं तु ॥ ९ ॥ पंचमगं नदिज्जं छट्ठं पुण पारिहासयं होइ । उदेहगणस्सेए छच्च कुला हुंति नायच्चा ॥ १० ॥ थेरेहिंतो णं सिरिगुत्तेहिंतो हारियसगुत्तेहिंतो इत्थ णं चारणगणे नामं गणे निग्गए, तस्स णं इमाओ चत्तारि साहाओ सत्त य कुलाइं एवमाहिज्जंति, से किं तं साहाओ ? २ एवमाहिज्जंति, तं०-हारियमालागारी संकासीआ गवेधुया वज्जनागरी, से तं साहाओ, से किं तं कुलाइं ?, २ एवमाहिज्जंति, तं०-‘पढमित्थ वत्थिलिज्जं बीयं पुण पी-इधम्मिअं होइ । तइअं पुण हालिज्जं चउत्थयं पूसमित्तिज्जं ॥ ११ ॥ पंचमगं मालिज्जं छट्ठं पुण अज्जवेडयं होइ । सत्तमयं कण्हसहं सत्त कुला चारणगणस्स ॥ १२ ॥ थेरेहिंतो भद्दजसेहिंतो

भारद्वायसगुत्तेर्हितो इत्य णं उडुवाडियगणे नामं गणे निग्गए, तस्स णं इमाओ चत्तारि साहाओ तिण्णि कुलाइं एवमाहिजंति, से किं तं साहाओ ?, २ एवमाहिजंति तं०-चंपि-
जिया मदिजिया काकंदिया मेहलिजिया, से तं साहाओ, से किं तं कुलाइं ?, २ एवमाहिजंति, तं०- 'महजसियं तह भद्गुत्तियं तइयं च होइ जसभइं । एयाइं उडुवाडियगणस्स
तिण्णेव य कुलाइं ॥ १३ ॥ थेरेर्हितो णं कामिड्ढीर्हितो कुंडल(डिय)सगुत्तेर्हितो इत्य णं वेसवाडियगणे निग्गए, तस्स णं इमाओ चत्तारि साहाओ चत्तारि कुलाइं एवमाहिजंति, से किं तं
साहाओ ?, २ तं०-सोवत्थिया रज(रुक्ख)पालिआ अंतरिजिया खेमलिजिया, से तं साहाओ, से किं तं कुलाइं ?, २ एवमाहिजंति तं०- 'गणियं मेहिय कामिड्ढिअं च तह होइ इंद-
पुरगं च । एयाइं वेसवाडियगणस्स चत्तारि य कुलाइं ॥ १४ ॥ थेरेर्हितो णं इसिगुत्तेर्हितो काकंदएर्हितो वासिट्ठसगुत्तेर्हितो इत्य णं माणवगणे नामं गणे निग्गए, तस्स णं इमाओ चत्तारि
साहाओ तिण्णि य कुलाइं एवमाहिजंति, से किं तं साहाओ ?, २ एवमाहिजंति तं०-कासव(रि)जिया गोयमजिया वासिट्ठिया सोरट्ठिया, से तं साहाओ, से किं तं कुलाइं ?, २
एवमाहिजंति तं०- 'इसिगुत्ति इत्य पढमं बीयं इसिदत्तिअं मुणेयइं । तइयं च अभिजयंतं तिण्णि कुल्ल माणवगणस्स ॥ १५ ॥ थेरेर्हितो सुट्ठियसुप्पडिबुदेर्हितो कोडियकाकंदएर्हितो
वग्घावच्चसगुत्तेर्हितो इत्य णं कोडियगणे नामं गणे निग्गए, तस्स णं इमाओ चत्तारि साहाओ चत्तारि कुलाइं एवमाहिजंति, से किं तं साहाओ ?, २ एवमाहिजंति, तं०- 'उच्चानागरी
विजाहरी य वइरी य मज्झिमिल्ला य । कोडियगणस्स एया हवंति चत्तारि साहाओ ॥ १६ ॥ से तं साहाओ, से किं तं कुलाइं ?, २ एवमाहिजंति, तं०- पढमित्थ बंभलिजं विइयं नामेण
वत्थलिजं तु । तइयं पुण वा(ठा)णिजं चउत्थयं पण्हवाहणयं ॥ १७ ॥ ८० । थेराणं सुट्ठियसुप्पडिबुदानं कोडियकाकंदयाणं वग्घावच्चसगुत्ताणं इमे पंच थेरा अंतेवासी अहावच्चा अ-
भिण्णाया हुत्था, तं०-थेरे अज्जइंददिन्ने थेरे पियगंथे थेरे विजाहरगोवाले कासवगुत्तेणं थेरे इसिदिन्ने थेरे अरिहदत्ते, थेरेर्हितो णं पियगंथेर्हितो एत्थ णं मज्झिमा साहा निग्गया,
थेरेर्हितो णं विजाहरगोवालेर्हितो तत्थ णं विजाहरी साहा निग्गया, थेरस्स णं अज्जइंददिन्नेस्स कासवगुत्तस्स अज्जदिन्ने थेरे अंतेवासी गोयमसगुत्ते, थेरस्स णं अज्जदिन्नेस्स गोयमस-
गुत्तस्स इमे दो थेरा अंतेवासी अहावच्चा अभिण्णाया हुत्था तं०- थेरे अज्जसंतिसेणिए माढरसगुत्ते थेरे अज्जसीहगिरी जाइस्सरे कोसियगुत्ते, थेरेर्हितो णं अज्जसंतिसेणिएर्हितो एत्थ
णं उच्चानागरी साहा निग्गया, थेरस्स णं अज्जसंतिसेणियस्स माढरसगुत्तस्स इमे चत्तारि थेरा अंतेवासी अहावच्चा अभिण्णाया हुत्था, तं०-थेरे अज्जसेणिए थेरे अज्जतावसे थेरे अज्ज-
कुबेरे थेरे अज्जइसिपालिए, थेरेर्हितो णं अज्जसेणिएर्हितो एत्थ णं अज्जसेणिया साहा निग्गया, थेरेर्हितो णं अज्जतावसेर्हितो एत्थ णं अज्जतावसी साहा निग्गया, थेरेर्हितो णं अज्जकुबेरेर्हितो
एत्थ णं अज्जकुबेरी साहा निग्गया, थेरेर्हितो णं अज्जइसिपालिएर्हितो एत्थ णं अज्जइसिपालिया साहा निग्गया, थेरस्स णं अज्जसीहगिरिस्स जाइस्सरस्स कोसियगुत्तस्स इमे चत्तारि थेरा अंते-
वासी अहावच्चा अभिण्णाया हुत्था तं०-थेरे धणगिरी थेरे अज्जवइरे थेरे अज्जसमिए थेरे अरिहदिन्ने, थेरेर्हितो णं अज्जसमिएर्हितो इत्य णं बंभदीविया साहा निग्गया, थेरेर्हितो णं अज्जवइरे-
र्हितो गोयमगुत्तेर्हितो इत्य णं अज्जवइरी साहा निग्गया, थेरस्स णं अज्जवइरस्स गोयमसगुत्तस्स इमे तिण्णि थेरा अंतेवासी अहावच्चा अभिण्णाया हुत्था तं०-थेरे अज्जवइरसेणे १५ थेरे अज्ज-
पउमे थेरे अजरहे, थेरेर्हितो णं अज्जवइरसेणेर्हितो इत्य णं अज्जनाइली साहा निग्गया, थेरेर्हितो णं अज्जपउमेर्हितो इत्य णं अज्जपउमा साहा निग्गया, थेरेर्हितो णं अजरहेर्हितो १६ इत्य णं
अज्जजयंतीसाहा निग्गया । ८१ । थेरस्स णं अजरहस्स वच्छसगुत्तस्स अज्जपूसगिरी थेरे अंतेवासी कोसियगुत्ते १७, थेरस्स णं अज्जपूसगिरिस्स कोसियगुत्तस्स अज्जफग्गुमित्ते १८ थेरे अंतेवासी
गोयमसगुत्ते । ८२ । 'वंदामि फग्गुमित्तं च गोयमं धणगिरिं च वासिट्ठं १९ । कुच्छिं सिवभूइंपिय २० कोसिय दुजंतकण्हे य (?) ॥ १८ ॥ ते वंदिऊण सिरसा दत्तं (भइं) वंदामि कासवसगुत्तं २१ ।
नक्खं कासवगुत्तं २२ रक्खंपिय कासवं २३ वंदे ॥ १९ ॥ वंदामि अज्जनागं च गोयमं २४ जेहिलं च वासिट्ठं २५ । विण्हुं माढरगुत्तं २६ कालगमवि गोयमं २७ वंदे ॥ २० ॥ गोयमगुत्तकुमारं
संपलियं २८ तहय भइयं वंदे २९ । थेरं च अज्जवुइडं गोयमगुत्तं नमं सामि ३० ॥ २१ ॥ तं वंदिऊण सिरसा थिरसत्तचरित्तनाणसंपन्नं । थेरं च संघपालिय ३१ कासवगुत्तं पणिवयामि ॥ २२ ॥ वंदामि
अज्जहत्थि ३२ च कासवं खंतिसागरं धीरं । गिम्हाण पढममासे कालगयं चित्तसुद्धस्स ॥ २३ ॥ वंदामि अज्जधम्मं ३३ च सुबयं सीस(ल)लद्धिसंपन्नं । जस्स निखमणे देवो उत्तं वरमुत्तसं वहइ
॥ २४ ॥ हत्थं ३४ कासवगुत्तं धम्मं ३५ सिवसाहगं पणिवयामि । सीहं ३६ कासवगुत्तं धम्मंपिय ३७ कासवं वंदे ॥ २५ ॥ सुत्तत्थरयणभरिए खमदममहवगुणेहिं संपन्ने । देविड्ढिखमासमणे ३८
(३९) कासवगुत्ते पणिवयामि ॥ २६ ॥ ८३ । तेणं कालेणं० समणे भगवं महावीरे वासाणं सवीसइराए मासे विइकंते वासावासं पजोसवेइ, से केणट्ठेणं भंते ! एवं वुच्चइ-समणे भगवं महावीरे
वासाणं सवीसइराए मासे विइकंते वासावासं पजोसवेइ ?, जओ णं पाएणं अगारीणं अगाराइं कडियाइं उकंपियाइं उच्च्चाइं घट्टाइं मट्टाइं संपधूमियाइं स्वाओदगाइं स्वायनिद्धमणाइं अप्पणो
अट्टाए कडाइं परिभुत्ताइं परिणामियाइं भवंति से तेणट्ठेणं एवं वुच्चइ-समणे भगवं महावीरे वासाणं सवीसइराए मासे विइकंते वासावासं पजोसवेइ । ८४ । जहा णं समणे भगवं महावीरे वासाणं

सवीसइराए मासे विइकंते वासावासं पज्जोसवेइ तहा णं गणहरावि वासाणं सवीसइराए मासे विइकंते वासावासं पज्जोसविति, जहा णं गणहरा वासाणं जाव पज्जोसविति तहा णं गणह-
रसीसावि वासा जाव पज्जोसविति, जहा णं गणहरसीसा वासाणं जाव पज्जोसविति तहा णं थेरावि० वासावासं पज्जोसविति, जहा णं थेरा वासाणं जाव पज्जोसविति तहा णं जे इमे अ-
जत्ताए समणा निग्गंथा विहरंति एतेवि णं वासाणं जाव पज्जोसविति, जहा णं जे इमे अजत्ताए समणा निग्गंथा वासाणं सवीसइराए मासे विइकंते वासावासं पज्जोसविति तहा णं
अम्हंपियायरियउवज्जाया वासाणं०, जहा णं अम्हं आयरियउवज्जाया वासाणं० तहा अम्हेवि वासाणं सवीसइराए मासे विइकंते वासावासं पज्जोसवेमो । ८५ । अंतरावि य से कप्पइ
पज्जोसवित्तए, नो से कप्पइ तं रयणि उवाइणावित्तए । ८६ । वासावासं पज्जोसवियाणं कप्पइ निग्गंथाण वा निग्गंथीण वा सञ्चओ समंता सक्कोसं जोयणं उग्गहं ओगिण्हित्ताणं चिद्धिउं
अहलंदमवि उग्गहं । ८७ । वासावासं पज्जोसवियाणं कप्पइ निग्गंथाण वा निग्गंथीण वा सञ्चओ समंता सक्कोसं जोयणं गंतुं पडिनियत्तए, जत्थ नई निच्चोयगा निच्चसंदणा नो से
कप्पइ सञ्चओ समंता सक्कोसं जोयणं गंतुं पडिनियत्तए, एरावई कुणाल्राए, जट्ट चक्किया सिया एगं पायं जले किच्चा एगं पायं थले किच्चा एवं णं कप्पइ सञ्चओ समंता सक्कोसं जोयणं
गंतुं पडिनियत्तए, एवं नो चक्किया एवं नो कप्पइ सञ्चओ समंता सक्कोसं जोयणं गंतुं पडिनियत्तए । ८८ । वासावासं पज्जोसवियाणं अत्थेगइयाणं एवं वुत्तपुञ्जं भवइ-दावे भंते!, एवं
से कप्पइ दावित्तए, नो से कप्पइ पडिगाहित्तए, वासावासं पज्जोसवियाणं अत्थेगइयाणं एवं वुत्तपुञ्जं भवइ-पडिगाहे भंते!, एवं से कप्पइ पडिगाहित्तए, नो से कप्पइ दावित्तए,
वासावासं० दावे भंते! पडिगाहे भंते!, एवं से कप्पइ दावित्तएवि पडिगाहित्तएवि । ८९ । वासावासं पज्जोसवियाणं नो कप्पइ निग्गंथाण वा निग्गंथीण वा हट्टाणं आरोगाणं पडु(बलि)-
यसरीराणं इमाओ नव रसविगइओ अभिक्खणं २ आहारित्तए तं०-खीरं दहिं नवणीयं सप्पि तिहं गुडं महुं मज्जं मंसं, वासावासं पज्जोसवियाणं अत्थेगइयाणं एवं वुत्तपुञ्जं भवइ-अट्टो
भंते! गिलाणस्स?, से य वयेजा-अट्टो, से य पुच्छिए-केवइएणं अट्टो?, से वएजा-एवइएणं अट्टो गिलाणस्स, जे से पमाणं वयइ से य पमाणओ धित्तवे, से य विज्जविज्जा विज्जवेमाणे
लभिजा से य पमाणपत्ते होउ अलाहि इय वत्तञ्चं सिया, से किमाहु भंते!?, एवइएणं अट्टो गिलाणस्स, सिया णं एवं वयंतं परो वइजा-पडिगाहेह अज्जो! तुमंपित्थ(पच्छा)भो-
क्खसि वा दाहिसि वा, एवं से कप्पइ पडिगाहित्तए, नो से कप्पइ गिलाणनीसाए पडिगाहित्तए । ९० । वासावासं पज्जो० अत्थि णं थेराणं तहप्पगाराई कुलाई कडाई पत्तिआइं
थिजाइं वेसासियाइं समयाईं बहुमयाईं अणुमयाइं भवंति जत्थ से नो कप्पइ अदक्खु वइत्तए-अत्थि ते आउसो! इमं वा २?, से किमाहु भंते!?, सत्थी गिही गिण्हइ वा तेणियंपि
कुज्जा । ९१ । वासावासं पज्जोसवियस्स निच्चभत्तियस्स भिक्खुस्स कप्पइ एगं गोअरकालं गाहावइकुलं भत्ताए वा पाणाए वा निक्खमित्तए वा पविसित्तए वा (प्र० नत्थायरियवे-
यावच्चेणं एवं उवज्जायवे० तवस्सिवे० गिलाणवे० खुड्डएण वा खुड्डियाए वा अवंजणजायाए) वासावासं पज्जो० चउत्थभत्तियस्स भिक्खुस्स अयं एवइए विससे-जं पाओ
निक्खम्म पुञ्चामेव वियडगं भुच्चा पिच्चा पडिग्गहं संलिहिय संपमज्जिय से य संथरिजा कप्पइ से तदिवसं तेणेव भत्तट्टेणं पज्जो०, से य नो संथरिजा एवं से कप्पइ वुच्चंपि गाहावइकुलं
भत्ताए वा पाणाए वा निक्खमित्तए वा पविसित्तए वा, वासावासं पज्जो० छट्टमत्तियस्स भिक्खुस्स कप्पंति दो गोअरकाला गाहावइकुलं भत्ताए वा पाणाए वा निक्ख० पविसि०,
वासावासं पज्जो० अट्टमत्तियस्स भिक्खुस्स कप्पंति तओ गोअरकाला गाहावइकुलं भत्ताए वा पाणाए वा निक्खमि० पविसि०, वासावासं पज्जो० विगिट्टमत्तिअस्स भिक्खुस्स
कप्पंति सब्बेवि गोअरकाला गाहा० भ० पा० नि० प० । ९२ । वासावासं० पज्जो० निच्चभत्तियस्स भिक्खुस्स कप्पंति सञ्चाइं पाणगाइं पडिगाहित्तए, वासावासं पज्जो० चउत्थभत्ति-
यस्स भिक्खुस्स कप्पंति तओ पाणगाइं पडिगाहित्तए तं०-उस्सेइमं संसेइमं चाउलोदगं, वासावासं पज्जो० छट्टमत्तियस्स भिक्खुस्स कप्पंति तओ पाणगाइं पडिगाहित्तए तं०-ति-
लोदगं वा तुसोदगं वा जवोदगं वा, वासावासं पज्जो० अट्टमत्तियस्स भिक्खुस्स कप्पंति तओ पाणगाइं पडिगाहित्तए तं०-आयामे वा सोवीरे वा सुद्धवियडे वा, वासावासं पज्जो०
विगिट्टमत्तियस्स कप्पइ एगे उसिणवियडे पडिगाहित्तए सेऽविय णं असित्थे नोविय णं ससित्थे, वासावासं पज्जो० भत्तपडियाइक्खियस्स कप्पइ एगे उसिणोदए पडिगाहित्तए सेऽ-
विय णं असित्थे नो चेव णं ससित्थे सेविय णं परिपूए नो चेव णं अपरिपूए सेऽविय णं परिमिए नो चेव णं अपरिमिए । ९३ । वासावासं पज्जो० संखादत्तियस्स भिक्खुस्स कप्पंति
पंच दत्तीओ भोअणस्स पडिगाहित्तए पंच पाणगस्स अहवा चत्तारि भोअणस्स पंच पाणगस्स अहवा पंच भोअणस्स चत्तारि पाणगस्स, तत्थ णं एगा दत्ती लोणासायणमित्तमवि
पडिगाहिआ सिया कप्पइ से तदिवसं तेणेव भत्तट्टेणं पज्जोसवित्तए, नो से कप्पइ वुच्चंपि गाहावइकुलं भत्ताए वा पाणाए निक्खमित्तए वा पविसित्तए वा । ९४ । वासावासं पज्जो० नो
कप्पइ निग्गं० जाव उवस्सयाओ सत्तघरंतरं संस्वडिं संनियइचारिस्स इत्तए, एगे पुण एवमाइंसु-नो कप्पइ जाव उवस्सयाओ परेण सत्तघरंतरं संस्वडिं संनियइचारिस्स इत्तए, एगे

पुण एवमाहंसु-नो कप्पइ जाव उवस्सयाओ परंपरेणं संखडिं संनियट्टचारिस्स इत्तए । ९५ । वासावासं पज्जो० नो कप्पइ पाणिपडिग्गहियस्स भिक्खुस्स कणगफुसियमित्तमवि बुट्टि-
कायंसि निवयमाणंसि पज्जोसवित्तए, नो से कप्पइ अगिहंसि पिंडवायं पडिगाहिता पज्जोसवित्तए, पज्जोसवेमाणस्स सहसा बुट्टिकाए निवइज्जा देसं भुच्चा देसमादाय पाणिणा पाणि
परिपिहिता उरंसि वा णं निल्लिज्जिच्चा कक्खंसि वा णं समाहडिच्चा अहाल्लुच्चाणि वा लेणाणि उवागच्छिच्चा रुक्खमूलाणि वा उवागच्छिच्चा जहा से पाणिसि(सु) दए वा दगरए वा
दगफुसिआ वा नो परिआवज्जइ, वासावासं पज्जो० पा० भिक्खुस्स जंकिंचिवि कणगफुसियमित्तंपि निवडति नो से कप्पइ० भत्ताए वा पाणाए वा निक्ख० वा पवि० वा, वासावासं
पज्जो० पडिग्गहधारिस्स भिक्खुस्स नो कप्पइ वग्घारियवुट्टिकायंसि गाहावइकुलं भत्ताए वा पाणाए वा निक्ख० वा पवि० वा, कप्पइ से अप्पवुट्टिकायंसि संतरुत्तरंसि गाहावइकुलं भत्ताए वा
पाणाए निक्ख० वा पवि० वा । ९६ । वासावासं पज्जोसविअस्स निग्गंथस्स वा निग्गंथीए वा गाहावइकुलं पिंडवायपडियाए अणुपविट्टस्स निगिज्झय २ बुट्टिकाए निव-
इज्जा कप्पइ से अहे आरामंसि वा अहे वियडगिहंसि वा अहे रुक्खमूलंसि वा उवागच्छित्तए, तत्थ से पुद्वागमणेणं पुद्वाउत्ते चाउलोदणे पच्छाउत्ते भिल्लिगसूवे कप्पइ से चाउलो-
दणे पडिगाहित्तए नो से कप्पइ भिल्लिगसूवे पडिगाहित्तए, तत्थ से पुद्वागमणेणं पुद्वाउत्ते भिल्लिगसू(लंगुसू)वे पच्छाउत्ते चाउलोदणे कप्पइ से भिल्लिगसूवे पडिगाहित्तए नो से कप्पइ
चाउलोदणे पडिगाहित्तए, तत्थ से पुद्वागमणेणं दोवि पुद्वाउत्ताइं कप्पंति से दोवि पडिगाहित्तए, तत्थ से पुद्वागमणेणं दोवि पच्छाउत्ताइं एवं नो से कप्पंति दोवि पडि० । ९७ ।
वासावासं पज्जो० निग्गंथस्स वा निग्गंथीए वा गाहावइकुलं पिंडवायपडियाए अणुपविट्टस्स निगिज्झय २ बुट्टिकाए निवइज्जा कप्पइ से अहे आरामंसि वा अहे वियडगिहंसि वा
अहे रुक्खमूलंसि वा उवागच्छित्तए नो से कप्पइ पुद्वागहिणं भत्तपाणिणं वेलं उवायणावित्तए, कप्पइ से पुद्वामेव वियडगं भुच्चा पिच्चा पडिग्गहगं संल्लिहिय २ संपमज्जिय २ एगाययं
भंडगं कट्टु(प्र० सावसेसे सुरे) जेणेव उवस्सए तेणेव उवागच्छित्तए, नो से कप्पइ तं रयणिं तत्थेव उवायणावित्तए ! । ९८ । वासावासं पज्जो० निग्गंथस्स वा निग्गंथीए वा गाहावइकुलं
पिंडवायपडियाए अणुपविट्टस्स निगिज्झय २ बुट्टिकाए निवइज्जा कप्पइ से अहे आरामंसि वा० उवागच्छित्तए, तत्थ नो कप्पइ एगस्स निग्गंथस्स एगाए य निग्गंथीए एगयओ
चिट्ठित्तए, तत्थ नो कप्पइ एगस्स निग्गंथस्स दुण्हं निग्गंथीणं एगयओ चिट्ठित्तए, तत्थ नो कप्पइ दुण्हं निग्गंथाणं एगाए य निग्गंथीए एगयओ चिट्ठित्तए, तत्थ नो कप्पइ दुण्हं
निग्गंथाणं दुण्हं निग्गंथीण य एगयओ चिट्ठित्तए, अत्थि या इत्थ केइ पंचमे खुड्डए वा खुड्डिया वा अन्नेसिं वा संलोए सपडिदुवारे एवं ण्हं कप्पइ एगयओ चिट्ठित्तए, वासावासं
पज्जो० निग्गंथस्स गाहावइकुलं पिंडवायपडियाए अणुपविट्टस्स निगिज्झय २ बुट्टिकाए निवइज्जा कप्पइ से अहे आरामंसि वा० उवागच्छित्तए, तत्थ नो कप्पइ एगस्स निग्गंथस्स
एगाए य अगारीए एगयओ चिट्ठित्तए, एवं चउभंगो, अत्थि इत्थ केइ पंचमए थेरे वा थेरिया वा अन्नेसिं वा संलोए सपडिदुवारे एवं कप्पइ एगयओ चिट्ठित्तए । ९९ । वासावासं पज्जो०
नो कप्पइ निग्गंथाण वा निग्गंथीण वा अपरिण्ण(डिल्लत्त)एणं अपरिण्णयस्स अट्टाए असणं वा० पडिगाहित्तए, से किमाहु भंते!?, इच्छा परो अपरिण्णए भुंजिच्चा इच्छा परो न
भुंजिच्चा । १०० । वासावासं पज्जोसवियाणं नो कप्पइ निग्गंथाण वा निग्गंथीण वा उदउट्टेण वा ससिणिद्वेण वा काएणं असणं वा० आहारित्तए, से किमाहु भंते!?, सत्त सिणेहाययणा पं०
तं०-पाणी पाणिलेहा नहा नहसिहा भमुहा अहरोट्टा उत्तरोट्टा । १०१ । वासावासं पज्जो० इह खलु निग्गंथाण वा निग्गंथीण वा इमाइं अट्ट सुहुमाइं जाइं छउमत्थेणं निग्गंथेण वा
निग्गंथीए वा अभिक्खणं २ जाणियच्चाइं पासिअच्चाइं पडिलेहियच्चाइं भवंति तं०-पाणसुहुमं पणगसुहुमं बीअसुहुमं हरियसुहुमं पुफ्सुहुमं अंडसुहुमं लेणसुहुमं सिणेहसुहुमं, से किं
तं पाणसुहुमे?, २ पंचविहे पं० तं०-किण्हे नीले लोहिए हाल्लिदे सुक्खिद्वे, अत्थि कुंथु अणुद्धरी नामं जा ठिया अचलमाणा छउमत्थाणं नो चक्खुफासं हव्वमागच्छइ जा अठिया
चलमाणा छउमत्थाणं चक्खुफासं हव्वमागच्छइ जा छउमत्थेणं निग्गंथेण वा निग्गंथीए वा अभिक्खणं २ जाणियच्चा पासियच्चा पडिलेहियच्चा हव्वइ, से तं पाणसुहुमे, से किं तं
पणगसुहुमे?, २ पंचविहे पं० तं०-किण्हे जाव सुक्खिद्वे, अत्थि पणगसुहुमे तहव्वसमाणवण्णे नामं पं० जे छउमत्थेणं निग्गंथेण वा निग्गंथीए वा जाव पडिलेहिअत्ते भवइ, से तं पण-
गसुहुमे, से किं तं बीअसुहुमे?, २ पंचविहे पं० तं०-किण्हे जाव सुक्खिद्वे, अत्थि बीअसुहुमे कणियासमाणवण्णए नामं पं० जे छउमत्थेणं निग्गंथेण वा० जाव पडिलेहियत्ते भवइ, से
तं बीअसुहुमे, से किं तं हरियसुहुमे?, २ पंचविहे पं० तं०-किण्हे जाव सुक्खिद्वे, अत्थि हरियसुहुमे पुढवीसमाणवण्णए नामं पं० जे निग्गंथेण वा० अभिक्खणं २ जाणियत्ते पासियत्ते
पडिलेहियत्ते भवइ, से तं हरियसुहुमे, से किं तं पुफ्सुहुमे?, २ पंचविहे पं० तं०-किण्हे जाव सुक्खिद्वे, अत्थि पुफ्सुहुमे रुक्खसमाणवण्णे नामं पं० जे छउमत्थेणं निग्गंथेण वा०
जाणियत्ते जाव पडिलेहियत्ते भवइ, से तं पुफ्सुहुमे, से किं तं अंडसुहुमे?, २ पंचविहे पं० तं०-उदंसं(दयं)डे उक्कलियंडे पिपीलिअंडे हल्लिअंडे हल्लोहल्लिअंडे जे निग्गंथेण वा० जाव
पडिलेहियत्ते भवइ, से तं अंडसुहुमे, से किं तं लेणसुहुमे?, २ पंचविहे पं० तं०-उत्तिगलेणे भिगुलेणे उज्जुए ताल्लमूलए संबुक्कावट्टे नामं पंचमे जे निग्गंथेण वा० जाणियत्ते (२५२)

जाव पडिलेहियवे भवइ, से तं लेणसुहुमे, से किं तं सिणेहसुहुमे?, २ पंचविहे पं० तं०-उस्सा हिमए महिया करए हरतणुए जे छउमत्येणं निग्गंयेण वा० अभिक्खणं० जाव पडिलेहि-
यवे भवइ, से तं सिणेहसुहुमे। १०२। वासावासं पज्जोसविए भिक्खु इच्छिज्जा गाहावइकुलं भत्ताए वा पाणाए वा निक्खमित्तए वा पविसित्तए वा नो से कप्पइ अणापुच्छित्ता आयरियं वा
उवज्झायं वा थेरं पवित्तिं गणिं (गणहरं) गणावच्छेअयं जं वा पुरओ काउं विहरइ, कप्पइ से आपुच्छित्तं आयरियं वा जाव जं वा पुरओ काउं विहरइ, 'इच्छामि णं भंते! तुम्भेहिं अब्भणु-
ण्णाए समाणे गाहावइकुलं भत्ताए वा पाणाए वा निक्ख० पविसि०, ते य से वियरिजा एवं से कप्पइ गाहावइकुलं भत्ताए वा पाणाए वा जाव पविसित्तए, ते य से नो वियरिजा एवं
से नो कप्पइ भत्ताए वा पाणाए वा निक्खमि० पविसि०, से किमाहु भंते!?', आयरिया पच्चवायं जाणंति, एवं विहारभूमिं वा वियारभूमिं वा अन्नं वा जंकिंचि पओअणं, एवं
गामाणुगामं विहरिजित्तए, वासावासं पज्जोसविए भिक्खु इच्छिज्जा अण्णयरिं विगइं आहारित्तए, नो से कप्पइ अणापुच्छित्ता आयरियं वा जाव गणावच्छेयं वा जं वा पुरओ काउं
विहरइ कप्पइ से आपुच्छित्ता तं चेव 'इच्छामि णं भंते! तुम्भेहिं अब्भणुण्णाए समाणे अन्नयरिं विगइं आहारित्तए एवइयं वा एवइखुत्तो वा, ते य से वियरिज्जा एवं से कप्पइ अण्णयरिं
विगइं आहारित्तए, ते य से नो वियरिज्जा एवं से नो कप्पइ अण्णयरिं विगइं आहारित्तए, से किमाहु भंते!?', आयरिया पच्चवायं जाणंति, वासावासं पज्जोसविए भिक्खु इच्छिज्जा
अण्णयरिं तेइच्छियं आउट्टित्तए तं चेव सन्नं, वासावासं पज्जोसविए भिक्खु इच्छिज्जा अण्णयरं ओरालं तवोकम्मं उवसंपज्जित्ताणं विहरित्तए तं चेव सन्नं, वासावासं पज्जोसविए
भिक्खु इच्छिज्जा अपच्छिममारणंतियसंलेहणाजूसणाजुसिए भत्तपाणपडियाइक्खिए पाओवगए कालं अणवकंखमाणे विहरित्तए वा निक्खमित्तए वा पविसित्तए वा असणं वा०
आहारित्तए वा उच्चारं वा पासवणं वा परिट्ठावित्तए सज्झायं वा करित्तए धम्मजागरियं वा जागरित्तए, नो से कप्पइ अणापुच्छित्ता तं चेव। १०३। वासावासं प० भिक्खु इच्छिज्जा
वत्थं वा पडिग्गहं वा कंबलं वा पायपुंछणं वा अण्णयरिं वा उवहिं आयावित्तए वा पयावित्तए वा, नो कप्पइ गाहावइकुलं भत्ताए वा पाणाए वा निक्खमि० पविसि० असणं वा०
आहारित्तए बहिया विहारभूमिं वा वियारभूमिं वा० सज्झायं वा करित्तए काउस्सगं वा० ठाणं वा ठाइत्तए, अत्थि य इत्थि केइ अभिसमण्णागए अहासण्हिए एगे वा अणेगे वा
कप्पइ से एवं वइत्तए-'इमं ता अज्जो! तुमं मुहुत्तगं जाणेहि जाव ताव अहं गाहावइकुलं जाव काउस्सगं वा० ठाणं वा ठाइत्तए,' से य से पडिसुणिज्जा एवं से कप्पइ गाहावइ० तं चेव,
से य से नो पडिसुणिज्जा एवं से नो कप्पइ गाहावइकुलं जाव काउस्सगं वा० ठाणं वा ठाइत्तए। १०४। वासावासं पज्जोसवियाणं नो कप्पइ निग्गंथाण वा० अणभिग्गहियसिजास-
णियाणं होत्तए, आयाणमेयं अणभिग्गहियसिजासणियस्स अणुच्चाकूइयस्स अणट्ठाबंधियस्स अभियासणियस्स अणातावियस्स असमियस्स अभिक्खणं २ अपडिलेहणासीलस्स
अपमज्जणासीलस्स तहा तहा संजमे दुराराहए भवइ, अणादाणमेयं अभिग्गहियसिजासणियस्स उच्चाकूइयस्स अट्ठाबंधिस्स० समियस्स अभिक्खणं २ पडिलेहणासीलस्स पमज्जणा-
सीलस्स तहा २ संजमे सुआराहए भवइ। १०५। वासावासं पज्जोसवियाणं नो कप्पइ निग्गंथाण वा० परं पज्जोसवणाओ गोलोमप्यमाणमित्तावि केसा तं रयणिं उवायणावित्तए,
पक्खिया आरोवणा मासिए खुरमुंडे छम्मासिए लोए संवच्छरिए वा थेरकप्पे। १०६। वासा० पज्जो० नो कप्पइ निग्गंथाण वा० परं पज्जोसवणाओ अहिगरणं वइत्तए, जे णं निग्गंथो वा०
परं पज्जो० अहिगरणं वयइ से णं अकप्पेणं अज्जो! वयसीति वत्तवे सिया, जे णं निग्गंथो वा० परं पज्जोसवणाओ अहिगरणं वयइ से य निज्जुहियवे सिया, वासावासं पज्जोसवि-
याणं इह खलु निग्गंथाण वा० अज्जेव कक्खडे कडुए वुग्गहे समुप्पज्जिज्जा सेहे राइणियं स्वामिज्जा राइणिएवि सेहं स्वामिज्जा स्वमियन्नं स्वामेयन्नं उवसमियन्नं उवसामेयन्नं
संमुइसंपुच्छणाबहुलेणं होयन्नं, जो उवसमइ तस्स अत्थि आराहणा जो न उवसमइ तस्स नत्थि आराहणा, तम्हा अप्पणा चेव उवसमियन्नं। १०७। वासा० पज्जो० निग्गंथाण वा०
कप्पइ अण्णयरिं दिसिं वा अणुदिसिं वा अणुगिज्झय भत्तपाणं गवेसित्तए, से किमाहु भंते!?', उस्सण्णं समणा वासासु तवसंपउत्ता भवंति, तवस्सी दुब्बले किलंते मुच्छिज्ज वा
पवडिज्ज वा तमेव दिसं वा अणुदिसं वा समणा भगवंतो पडिजागरंति। १०८। वासा० पज्जो० कप्पइ निग्गंथाण वा० जाव चत्तारि पंच जोयणाइं गंतुं पडिनियत्तए, अंतरावि से
कप्पइ वत्थए, नो से कप्पइ तं रयणिं तत्थेव उवायणावित्तए। १०९। इच्चेयं संवच्छरिअं थेरकप्पं अहासुत्तं अहाकप्पं अहामगं अहातच्चं सम्मं काएण फासित्ता पालित्ता सोभित्ता
तीरित्ता किट्ठित्ता आराहित्ता आणाए अणुपालित्ता अत्थेगइया तेणेव भवग्गहणेणं सिज्झंति बुज्झंति मुच्चंति परिनिच्चाइंति सन्नदुक्खाणमंतं करंति, अत्थेगइया दुच्चेणं भवग्गहणेणं
सिज्झंति जाव सन्नदुक्खाणमंतं करंति, अत्थेगइया तच्चेणं भवग्गहणेणं जाव अंतं करंति सत्तट्ठभवग्गहणाइं नाइक्कमंति। ११०। तेणं कालेणं तेणं समएणं समणे भगवं महावीरे
रायगिहे नगरे गुणसीलए चेइए बहूणं समणाणं बहूणं समणीणं बहूणं सावयाणं बहूणं सावियाणं बहूणं देवाणं बहूणं देवीणं मज्झगए चेव एवमाइक्खइ एवं भासइ एवं पण्णवेइ एवं

परुवेइ पज्जोसवणाकप्पो नामं अज्झयणं सअट्टं सहेउअं सकारणं ससुत्तं सअट्टं सउभयं सवागरणं भुज्जो भुज्जो उवदंसेइत्ति वेमि। १ १ १॥ गाथाः २६॥ पज्जोसवणाकप्पो दसासुअक्खंधस्स
अट्टममज्झयणं ॥ (संवत् १३९९ वर्षे ज्येष्ठसुदि १२ गुरुदिने लिखितताडपत्रीयादर्शात्) श्रीसिद्धाद्रितलहट्टिकागतश्रीवर्धमानजैनागममंदिरे वीरविभोः २४६ टविक्रमस्य १९९ टअब्देपूत्कीर्ण